


KUAÑULIWA ⁴

 Muzwale Neville, mi ki musihali, ki manzibwana, nitaluse, kwa balikani baluna babande, lu tabile fa kukutela mwa keleke mo busihu bo. Ku futumalile nyana, mi kacwalo lu ka lika kuakufa kapili mo ku konahalela fela, lukene mwa Liñusa.

Pili, luna ni lizibiso nyana za kufa, mi ni—ni kupo ya tapelo ye ipitezi. Ni beile mañolo a mina kwa mulaho kwani, a na filwe, ni ka za kezeli ya ikutwa kuli una ni sitombo kwa booko. Mi nekuna ni yomuñwi yanali mwa Louisville; ni muzwale yomuñwi wa mukutazi, bo ndatahe bana ni butuku bwa pilu; mi kuna ni babañata, ñata batu ba bakula mwa lifasi kacenu. Babañata ba sweli ba luma mawaile mi luli lwa balapelela kwateni ka lipilu za luna kaufela, kuli Mulimu alu tuse.

Hañata mwendi nainte faifi pesenti ya bulumiwa bwaka kamita icwalo, ili kulapelela bakuli, mwa bona, kono kona Ni—Ni sa zo ba ni—mukwa nyana wa kutalima fa nto yani . . . Ni sa lapelela bakuli, cwale, muhupule seo. Zeo lisweli kuzwelapili ona cwalo. Kono, oh, haiba lukona kubeya—kubeya keleke mwa sibaka se ilukela kuba, konakuli, ni kuba mwa sikuka hande kuli lu beleke, mwa bona. Ina ni kuba ye swalani hande, mwabona, kuba ni lika kaufela hamoho.

Kuna ni se si ni tabile kwa pilu, fa nako nyana yefitile. Fani neli muuna muhulu wa kale, leliñwi la mazoho a hae ha libatile ku kunupiwa kwateni, lihutu ne libata ku kunupiwa kwateni. Ha yo mwahali mo kuli ani utwe cwale. Kono yena ki mutangana sa hulile luli, wa libizo la Roy Roberson, mi ki alimuñwi wa basepahali ba luna mwa keleke mo, mi ki mucaha wa Mukreste luli. Na zwezi kwani, mi ali, “Muzwale Branham, usike wa libala Mueteleli wa naha.” Ali, “Si ni utwisize bumaswe ha kena,” ne ni bona fa mazimumwangala, “fani hana tuluka mwa fulai, mioko inge isweli kusuluha fa malama a hae, mi mulomo wa hae inge u sikekezi neku leliñwi.” Mwa ziba, nali ona kwani ni Roy ni babañwi, ona mwa—mwa ndwa yani.

Hakuna taba kamba mwa shutana ni yena mwa litaba za naha, niteñi u sa li Mueteleli wa naha wa luna. Eeni, sha. Ku na, Na—Na ha ni wa balumelezi ba Mulao kamba muyemeli wa Nyangela. Na ni Mukreste. Kono Na—Na mi bulelela, Na luli nina ni likute ka—ka Mueteleli Dwight Eisenhower. Shangwe, yena luli ubile muuna yomuñwi yomutuna, mwa mukwa waka wa—wa kunahana. Haiba na kaba ni kuyema hape, mi haiba ne Ni ka bota, Ne ni ka mubotela hape. Yeo ki niti. Hanina taba kamba nali—kamba nali wa myaha ye mwanda ya kupepwa, Ne ni ka mu botela nihakuli cwalo, kakuli Na mu lata. Mi ha lu mu hupuleni mwa litapelo zaluna busihu bo.

J. T., Na itumela luli kwa mukopano omunde wani, mina kaufela, wena ni Muzwale Willard one mubile ni ona biki ye. Hane Ni ka kena kuzwa fande, mina kaufela nemuka bulela kuli, “Ku lukile, Muzwale Branham cwale, mwa ziba, wa *kuli-ni-kuli*.” Kono kihande fela kuyema fande ni ku mi teezeza, nji cwani? [Muzwale Branham wa seha—Mu.] Ku lukile. Kacwalo, kihande luli.

Nina ni limpo zeñwi za likeleke cwalo, haiba kaufela mina mwa libata, haiba muitukisize kuli muye kwa ku kutaza cwale, haiba muna ni lituto za mina. Mi, mane, Ni lumela kuli muna ni zona, mi kaufela zona likwanile hande. Nina ni iliñwi mwa Oregon, zeñwi mwa Washington, California, ni Arizona, libaka zeshutana. Mi haiba mubata kunga keleke kamba sika kaufela, kupalañi, ona kwanu kise sibaka sesinde fa kukalela, ona kwanu. Mi kuna ni mioya yesweli kulila kai ni kai, mane ku yo punya ni kwa libaka za mwa Indian ni kaufela ko mubata kuya teñi. Mu luzibise fela, kakuli Ni lumela kuli mina bashimani se mu sweli hande ka kutiya cwale. Yeo kinto yende. Ni tabela fela kuba bona haba eza cwalo.

Kuna ni Muzwale Ruddell mwa mukwakwa kwani. Uya kwani kuyoba ni mukopano, mwa mazazi alikani. Uya kwa kuba ni ancafazo, Muzwale Ruddell u cwalo. Mi Na—Na hupula hane Ni sa lumanga muuna yani kwa libaka kaufela, kulika ku muisa kwa libaka za kwande ku yo paniwa ni ku kutaza. Nali ya sialezi hahulu wa maswabi. Na bulelanga kuli, “Na hanikoni kubulela.” Mu lukela ku muutwa. Amen. Mwabona? Hamukoni kuziba ze mukona kueza haiba mulumeleza Moya o Kenile ku mi belekisa. Yeo ki niti.

Mi Muzwale Graham Snelling mwa Utica, ni Muzwale Junior Jackson uteni kwani. Lu—lu na ni kutusa likeleke za hesu zenyinyani zani, ze li hamoho ni luna. Luna kaufela lu hamoho. Ha lu kananisani fa lituto za luna, kamba sepo za luna ni ze lulela, lituto zaluna, ki nto iliñwi. Lu yema hamoho, lika kaufela hamoho. Luna lu keleke fela iliñwi. Mi luli lu tabela kuli ba hasane mwa libaka kaufela; luna ni babañwi mwa Africa, babañwi mwa India, ni libaka zeñwi kaufela, mwahala naha. Kwani kona ko lu ba tokwela, kuli ba hasanya Makande.

Mi Na bona micaha yenyinyani ye hainze ihula, sina Muzwale J. T. Parnell fa, ni—fa Muzwale Willard ni babañwi, ha basweli kuhula cwalo, mitangana ba sanana, kanti Na ni zamaya ni supala. Haiba kuna ni kuba kamuso, bakaba bona baana ba kamuso bani. Ha ni lati kuli Liñusa le li shwe. Ha li lukeli kushwa. Lina ni kupila kuzwelapili. Mi ha Ni lumeli kuli luna ni nako yetelele ya ku Li tisa kuba cwalo.

Mbututu yomunyinyani yene ba bulezi kuli uka shwa, Ni boni kuli mubile ni yena mwa keleke musihali kaufela kacenu, kezeli. Cwalo ki hande luli. Lu itumela ku Mulena ka seo, kuli

Mulena una ni sishemo, ki ya tezi makeke. U zwelepili fela kulumela se ne si bulezwi ku wena kwanu, mwabona, ukaba fela hande.

Cwale, kana mwa ikola tuto? Mwa tabela tuto? [Kopano ili, “Amen.”—Mu.] Oh, Na—Na—Na sepa kuli luli ya lutusa. I lufa pumulo nyana kwa kulapelela bakuli, ni lipono, ni foliso ya Bumulumu. Kakuli, cwale, busihu bo luna. . . Kasamulaho wa sebelezo, luka lapelela bakula hape, busihu bo. Lu tabela kuezanga cwalo kamita, ku kolobeza mutu ufi kaufela ka nako ifi kaufela.

Ki ba bakai ba bahupula hane Ni sa zamaisanga mihala ya malaiti? Kihande, Ni zamaisize mihala ya malaiti, linako zeñata, ne ni na ni kuzamaya limaili ze mashumi amalalu ka zazi mwa lihalaupa. Ne nina ni limaili ze mianda ye mibeli ni ze eite za ku namulula. Ne ni ya kulo kwani, hembe ili mwa mazoho aka, mi, oh, ni katezi maswe, inge ni zamaya mwa mishitu yani cwalo, ni miutwa ya mubala o tala inge ini sehaka. Na katana mulimi yomuñwi wa kale kipeto naina mwatasa kota ni kuambola ni yena ka za ku kolobezwa ka Libizo la Mulena Jesu. Mi kipeto uli, “Kihande, Ni bile ni bata ku kolobezwa.”

Se nili, “Ha ki kwahule hahulu kwa lisa.” Mi yena uli . . .

Mi Ni isize babañata ba bona kwani ku yo ba kolobeza ka Libizo la Jesu. Ni kuzwelapili kuisa muhala cwalo, ka tata fela mo Ni kona ku zamaela. Yeo ki niti. Linako ze ñata ni apezi litino zaka za kubeleka ni zona, na kolobeza alimumu, na tuluka fa musumo. Na ina fani inge ni sebeza fa misumo; Ne nili muuna wa mihala, nina, inge ni belekela fela fa misumo, ni mutu, na ambola ku yena ka za Mulena. Mi uli, “Kupalañi, Billy, leliñwi la mazazi a Ni ka taha kwa keleke ya hao ku to kolobezwa.”

² Mi ni li, “Ki kabakalañi ha ubata kulibelela konji nako yeo? Lu inzi bukaufi ni nuka, kuna ni mezi a mañata ona kwanu.” Kena mwateni ona fa cwale. Yeo ki niti. Yani kona nako. Filipi naize. . .

³ Nduna na ize ku Filipi, “Ki a mezi, ki sikamañi se si lu tibela?” Yeo ki niti. Hakuna. Haiba u itukisize, yeo ki yona nako. Usike wa libelela kuli konji diabulosi akenye sika mwateni. Musike mwa kashezanga kwa lizazi la kamuso lika ze mulukela kueza kacenu. Hakulata kamuso hanikoni ku mi tahela. Na hupula nako yeñwi Ne ni ezize cwalo, ne ni itutile, ne si nilutile tuto. Na itoboha sika sene Ni lukela kueza zazi leliñwi, mi zazi lelitatama ne kusina nako.

⁴ Cwale, luli ha Ni lati ku mi buluka nako ye kaufela. Kono Na ba fela ya—ya katezi hahulu, mi, Ha ni zibi, Ni ikutwa fela hande kufitela Ni ba ya lyangani, cwalo. Ni ikutwa fela hande luli.

⁵ Cwale ha lu inamiseni litho za luna fa nako nyana lusika atumela kale Linzwi.

6 Ndata luna yakwa Lihalimu, Wena ki wena Mulimu yapila, uya pila kamita. Lizazi le li sa zo likela lani, ona lizazi le liswana lani, Daniele na li talimezi ha li likela, Jeremia na li talimezi ha li likela, Adama na li talimezi ha li likela, Jesu na li talimezi ha li likela. Mi ki lifasi le liswana lene ba pila ku lona ni ku zamaya ku lona, mi Wena usa siyala uli Mulimu yaswana.

7 Busihu bo kuna ni likupo ze ñata. Kuna ni muuna yana ni sitombo kwa booko, kezeli yomuñwi una ni sabo ya nto yeswana. Wena ki wena sepo fela inosi, Mulena, yeliteni kuu zeo. Sitombo sani se si bile butuna, hakuna se si kona ku si tuhelisa. Si kwahule ni fakona kuswala mazoho a dokota. Kono busihu bo luya ni kafwililo kaluna kaka nyinyani, kulatelela ngunyana yani, ili kuitisa kukutela kwa mulaka wa Ndate. Ka Libizo la Mulena Jesu lu zamaisa tapelo ya luna kwa kubulaya tau, sona sitombo, butuna bwa sona, ni ku ba tisa hande mwa mulaka.

8 Mi luna, Mulimu, lu hupula busihu bi Mueteleli wa luna ya lateha wa naha, muzwale, wa luna Dwight Eisenhower. U busize naha, Mulena, ulikile ku lu bukeleza kwa ndwa. Na sepisize ba Korean kuli ndwa ika fela haiba na ka lika mwa konela kaufela. Na sepisize bahame bani kuli uka kutisa bashimani bani. Kono na bulezi kuli, “Kuli na nikone kuezza seo, Hani koni ku si eza. Na kona kubeya mata aka, kono Mulimu anosi ki yena ya ka si eza.” Mi No li ni yena, Mulena, mi cwale kaufela zona li felisizwe. Ki kabakalañi hane ba si ka bona cwalo ka nako yapili? Mulimu, Ni lapela kuli U mutuse. Fuyola moyo o bundume wani, Mulena. Mi lu lapela kuli Uka lu ketela mueteleli yalukela kuba ya tatama. Ya leliwwe ki wena abe yena, Mulena.

9 Kono yena Ye luna ni takazo hahulu ku yena busihu bo, hakuna taba kamba luna ni litaba zecwani za naha ya luna, ki yani Yena yomutuna mi ya kanya ya taha ku to toma Mubuso osike waba ni maungulo, yena Mulena Jesu, Mwana Hao. Mi kona ba ka otolola mazoho, minwana ika liziwa mi hakusana kuba lindwa ni hanyinyani. Ba ka lima masimu a veine ni kuba miselo ya ona. Ba ka yaha mandu, ni kupila ku ona. Mi hakuna kuba ni matata hape kasamulaho wa fani.

10 Lu fuyole cwale halunze lu atumela Linzwi. Mi, Ndate, Wena uziba libaka le Ni atumelela Linzwi kuzwa mwa Liñolo le. Ki bakeñisa kuli Ni—Ni ikutwa kuli Ubata kuli ni eze ka nzila ona ye, kuli ki tato ya Bumulimu bwa Hao, li mwa sikuka sa Hao, li mwa . . . kona swanelo ya lizazi la kacenu, kuezza kuli sicaba si fumane hande maino a sona ni kuitukisa bakeñisa hola ya ndwa. Sina muzwale wa luna ha bulezi kale mwa tapelo ya hae ku Wena ha ki kale hahulu kuli, “Oh, U lu lutile fa nako yetelele hahulu, Mulena.” Cwale, Ndate, ulufe litulo za luna. Lu ise kwande kwani ko luna ni za kuezza, kuli lukone kutokomela za musebezi wa Ndate. Kakuli lu li kupa ka Libizo la Jesu, Mwana Hao. Amen.

¹¹ Ne ni na ni musihali omunde kacenu musihali, inge ni ambola ku dokota ya zibahala hahulu mwa Louisville, ni nasi wa hae. Ne ba utwile lika ze kanya za Mulena. Mi ndatahe neli dokota. Mi ataha ato ina mwa sibaka saka mwendi musihali kaufela, kona akena fela, mwahali. Ki mutu yomunde hakalo; nitaluse kuli neli tata nyana, mwa ziba, ki mutu wa tumelo yetiile luli, mu Presbyterian wa niti ka kukala, kono azwile uile ni mioko inge ibuba fa malama a hae. Oh, Na. . . Mulimu una ni bona bateni kai ni kai, mwa liofisi za madokota, mwahala ma nasi. Ha ni lumeli kuli kuna ni nasi mwa sipatela sesibizwa kuli Norton's Infirmary Hospital ye Ni si ka pakela za kuba ni Moya o Kenile, ni ku mubuza haiba u kolobelizwe ka Libizo la Jesu. Hakuna dokota ye Ni katani kai ni kai, libaka kaufela, kamba haku- . . . Mwabona?

¹² Ku ba bulelela ka Ona. Haluna nako yeñata, muzwale. Hakuna taba kamba kubonahala cwani butata fa, mulibelele fela kufitela musila museto wa mwabuse wa bupilo wani mi mubone, kona mu ka inyaza kuli kambe mubile ni ona. Eeni, sha. Musike mwa libelelanga kufitela nako yeo, halu li ezeni ona cwale fa. Ye ki yona hola. Oh, bakona kupalelwa kulumela, ni kufilikana ni kukanana hanyinyani ka zona, kono ha ba talusi cwalo. Luli ha ba talusi cwalo. Bona—bona—bona ba kondisize. Ba ka mi kananisa, fela—fela muhupule, bona—bona ha ba talusi kueza cwalo. Ha batalusi kueza cwalo. Hakulata mwendi balutilwe nti isili mi ba kumalela ku yona, konakuli mwakona—mwakona kubona mulelo wa bona. Musike mwa ba kananisa, musike mwa kananisa mutu, kono mu balate fela ku Zona. Mi kipeto mu ba lapelele.

¹³ Kihande, Ni sepa lufitele fa timana ya 9, Ha ni zibi hande. Fani seli musipili omutelele kuzwa mwa kauhanyo ya 3, nji cwani, baana? Kono oh, Ki linonsi mwa licwe, ku na! Ne lu swelu kuambola cwale, muhupule, kuli lukone kuba ni makalelo nyana hape. Mi cwale, Muzwale Neville, mu—mu ni hohe hanyinyani cwale haiba Ni palelwa kubona nako ya kuzwela ka yona, kuli Ni kone kuba ni kulapelela bakuli. Lubata kunga sibaka kaufela selukona kuba ni sona haiba lukona. Mi busihu bo Ni bata kubizeza sicaba kwa katala. Ni. . . Lufeleleze ka timana ye Ni bata kuli lubale ze siyezi za yona.

¹⁴ Kono mulelo wa se, kikuli, kubona sibaka sa mina ku Kreste, kubona kuli ha ki sika se mukona ku sitatala ku sona, kamba sika se mukona kuba ni. . . ne mu swanela kuba kokuñwi, kono ki seo Mulimu ami ezelize, yena Kasibili. Isiñi kuli nemuli babande kuli nemuile kwa keleke busihu bobuñwi, kuli muzwale yomuñwi na mi isize kwa katala. Mi kaniti ne si cwalo. Neli Mulimu, kusikaba kale mutomo wa lifasi, a mi lemuhela kwa Bupilo Bobusafeli. Ha mu fita kwani zazi lani, ki kabakaleo baba mashumi amane. . . babahulu baba mashumi amabeli ni babane ne ba tubuzi mishukwe ya bona, mañi ni mañi na beile

mushukwe wa hae fafasi, mutu kaufela nawile ka pata ya hae, nebasina nihaiba nto iliñwi yene ba bulela, hakuna mukutazi, hakuna yomuhulu, hakuna sika. Kaufela neli milumbeko ku Ngunyana! Mulimu uka kubukanya ku Yena lika kaufela ka lizazi lani. Oh, kambe ne lu ka ziba ni kulemuha kuli Yani neli mañi Yene ba takisize. Cwale haili fa . . .

15 Lu kalele fa timana ya 8, kuli lube ni makalelo nyana ateni.

Sa lufile ka buñata bo butezi mwa butali kaufela ni kutwisiso;

U lu zibisize sa na lelife sa tato ya hae, . . .

16 “Likunutu za tato ya Hae.” Mi mwa hupula mo lu liyehezi fateni fo? Ki ba bakai bene baliteni kakusasana cwana, ha lu boneñi. Mo ne lu inelezi ku zani, “kunutu ya tato ya Hae.” Cwale, ha ki nto yelikani fela, konakuli ki kunutu. Tato ya Mulimu ki kunutu. Mi mutu ufi kaufela una ni kubata tato ya Mulimu kube abe ni yona abe muuna kamba musali, kunutu ya Mulimu.

17 Kana lu liziba cwani? Paulusi, ne li zibilwe ku yena. Na bulezi kuli na si ka buzana ni mutu ufi kaufela, hakuna nama ni mali. Na si kaya kwa sikolo sifi kaufela, nekusina sikolo sa bukutazi. Nasina sa kueza ni zeo. Kono yena . . . Ne li patuluzwi ku yena ka Jesu Kreste, Yana mu katani fa musipili wa kuya kwa Damaseka, mwa—mwa Liseli le li swana ni Siita sa Mulilo, mi La mu biza. Mi aya kwa Arabia, mi teñi ayopila lilimo zetalu. Oh, kana ha u lemuhi yani neli nako yeipitezi, Muzwale Egan? Lilimo zetalu Paulusi nali kwani kwa Arabia, amu lifela ndu yeñwi kokuñwi, inza zamaya zamaya kwa ni kwa, ni matapa a kale. Ne basina amanca; Paulusi ki yena ya na añozi, buñata bwa ona. Mwahala matapa akale ani, kuli mane Mulimu, kwa simuluho, na lu lemuhezi kutaha kwa Bupilo Bobusafeli. Mwa Na ka lumela Jesu, kuli kuya ka Sitabelo se kaufela luna lube ni tukelo ya kwa Kota ya Bupilo. Bona be A izibezi bona pili, U ba bizize; bona be A bizize, U ba beile baba lukile; bona be A beile baba lukile, U ba file kale kanya. Mulimu, kuzwa kwa makalelo a lifasi, na lu leuhile kuli lutahe kwa kuañuliwa kuba bana. Cwale zebupilwe kaufela za tonga, li libelezi kupatululwa kwa bana ba Mulimu. Oh, Ni akaleza kuli Paulusi nabile ni nako yena. Ni tabela kuli kambe nenili ni yena kwani. Kucwani ku mina?

18 Cwale abulela kuli, “U lu zibisize kunutu.” Mube ni Moya o Kenile nako yeñwi, mi mukale kufita ku Sani ni kubona fela mo Si zamaela. Musihali wo Ne ninani, oh, mwendi ki mizuzu ye mashumi amalalu ya kubala, ki kukutela fela tuto hape; mwendi ne si cwalo, Ni bulele kuli licika lateni, mizuzu ye lishumi ka ye ketalizoho mwahala linako. Mi Na kala kumata, ki ha se Ni hupula kuli, “Kunutu, ha ki kunutu ni yeo!” Mi Mañolo a ni kutisa mwa Testamente ya Kale, mi hape ni kukutela mwa Testamente ye Nca; kutamahanya sika hamoho, kubona kunutu ku Kutaha kwa Hae, kunutu ya tato ya Hae, kunutu ya luna ya

kuina hamoho. Muhupule, haikoni kulutiwa mwa mukopano wa bukutazi. Ki kunutu. Hamukoni ku li ziba ka tuto, ka tuto ya za bumulimu. Ki kunutu ye patilwe haisamba lifasi litomwa, ba libelezi kupatululwa kwa bana ba Mulimu.

¹⁹ U ni bulelele, muzwale waka, u ni bulelele, kezeli ka, ki ifi nako yani foo bana ba Mulimu hane ba ka patululwa kwanda nako ye? Ki lili fo kukile kwabela nako mwa litaba za kale, hane ba lukela kupatululwa nako ya kulukulula zebupilwe kaufela? Zebupilwe, zebupilwe kasibili za tonga, li libelezi nako ya kupatululwa. Kiñi, kale swalelo isika fiwa kale, kusikaba kale Moya o Kenile kusuluha kale, mane kusikaba kale ni—ni Testamente ya Kale, kushetumuka cwalo, ne ku si ke kwaba ni kupatululwa. Ne lina ni ku libelela kufitela nako ye. Cwale lika kaufela li tisizwe, zataha, kutaha kwa licwe lwa kwa toho, kutaha kwa kupatululwa kwa bana ba Mulimu kuna ni kukuta, mi Moya wa Mulimu utaha kwa batu ba, ka swanelo hande, konji bulumiwa bwa bona habukaba bukaufi hahulu sina Krete kufitela ba Mu katanyeza ni Keleke ya Hae kuba hamoho.

²⁰ Ki babakai ba bakile ba bala litaba za kale za ma piramidi? Ni sepa kuli mwendi ki kalibe alimumu mwahala mo ya nanuzi lizoho la hae. Ku lukile.

²¹ Mulimu na ñozi zetalu. Iliñwi ya zona neli Zodiac mwa mbyumbyulu, yani kona Bibeke yapili. Mutu na lukela kutalima mwahalimu fa kulemuha kuli Mulimu u mwa lihalimu. Mu latelele Zodiac, kana mukile mwa bala fateni? Mane ifa lusika kaufela, mane nihaiba mwa lusika lwa kansa. I fa makalelo, ya pil- . . . ili kupepwa kwa Krete. Ki siswaniso mañi sapili mwa Zodiac? Ki mwalyanjo. Ki siswaniso mañi sa mafelelezo? Ki Leo yona tau. Kutaha kwa pili ni Kutaha kwa bubeli kwa Krete, kaufela zona liñozwi mwateni.

²² Mi Bibeke yetatama yene ñozwi, neli mwa macwe, yene bizwa “mapiramidi.” Mulimu na ñozi mwa mapiramidi. Haiba mubalisisa litaba zeo, mu batisise litaba za kale ni lindwa zateni, mone li yahelwa kusika taba kale sinyeho ya muunda.

²³ Ya bulalu neiñozwi fa pampili, ili Bibeke, ya lusika lo lu butali, lwa buituti hahulu lwa lifasi lene li sa taha. Cwale, sina Mulimu ha zamile kutaha mwahala lusika, lu inzi fa Leo yona tau. Lu kwa kukwahela kwa piramidi. Lu mwa Buka ya Sinulo, kwa kauhanyo ya mafelelezo. Sayansi ibulela kuli luna ni mizuzu yemilalu lusika fita kale fahala busihu. Oh, mu nahane fo lu fumaneha cwale.

²⁴ Mi mulemuhe, halungeni piramidi, ku bunolo. I shetumuka mwa mubonahalelo wa sibyana sa maneku amalalu.

²⁵ Hane lu kalezi kwa lusika lwa keleke ya pili, kasamulaho wa Kuongaonga kwa nako ya mafelelezo ya Luther, kuli mutu abulele kuli nali Mukreste, neikona kutalusa bupilo bwa hae kamba lifu. Nebaka mu bulaya neba ka kubulela fela kuli

nali Mukreste. Kabakaleo kukena mwa manyando. . . Lusika kaufela, mwahala nako kaufela, kubile manyando. “Kaufela ba bapila ka bumulimu ku Krete Jesu ba ka fita mwa manyando.” Mwa lusika lwa Luther, neku sabisa kubulela kuli ni “mu Lutheran.” Ne mu ka talimwa kuli mufitelezi tumelo, mi nemuka bulaiwa. Linako zeñata neba ba bulaya ka mulilo, kuba cisa, ni lika zeñwi kaufela, kwa ma Lutheran.

²⁶ Mi keleke ya kusufala, sina piramidi. Ya kena mwa muhato omuñwi wa sishemo, yeneli kukeniswa. Nako ya Wesley, fani ha na kananile ni ba keleke ya Anglican, aluta kukeniswa. Ya kena mwa bunyinyani hape, mi ba bizwa kuli ki bafitelezi ba tumelo.

²⁷ Ki ba bakai mwahali mo bene bali ma Methodist, kamba bene ba banga cwalo, kamba bene ba swalisani ni keleke ya Methodist? Licika la mina. Kana mwa ziba kuli kekeke ya Methodist ikile yabata kuba ni Moya o Kenile nako yeñwi? Ni ile mwa likeleke za Methodist ni kuba bona ha ba wa fafasi, ni kuhasaka mezi kwa lipata za bona ni sifukiso sa moya, ku hanisa Moya o Kenile kutaha ku bona. Yeo ki niti. Cwale, yeo kona niti, kushetumuka mwa malundu a Kentucky kone luna ni ba Methodist. Mina micaha mubaba ikopanya mwa likeleke kwanu. Nelina ni ba Methodist kwanu, ni ba Baptist. Lwa fita fa katala ni kunatana mañi ni mañi mwa mukokoto kufitela luba ni sika. Lwa taha ona cwalo, lwa pila ka kushutana kasamulaho wa fani.

²⁸ Kono mutile fela mi mwa to beya libizo la mina mwa buka ni kubulela kuli, “Ni wa Methodist.” Ni kunga silungelo sa lizwai ni kufafaleza mezi nyana ku mina, mi zeo kona kaufela zona. Muzwela fande ku yo tina tuputula, mipende, kulakana ni lipelesa, kulaula, kunuha, kubapala mishini ya kulaula masheleni ni lika zeñwi kaufela, ni kuba ma Methodist babande, mwabona. Yani haki yona Methodist. Kwani ki kuikopanya fela kwa keleke. Yeo ki niti. Baptist, ki nto yeswana, ba Presbyterian, batahile ka nzila yeswana.

²⁹ Sina David duPlessis hana ize, “Baikulu, Mulimu hana baikulu.” Mulimu ha si kaba fateni ni muikulu. Una ni bana, kono isini baikulu. Yeo ki niti. Mina. . . ni sicaba se si tile mwa keleke ya Methodist, kamba keleke ya Pentekota, kamba keleke ya Baptist, kakuli bomaa mina kamba bo ndata mina neli ba Pentekota kamba Baptist, konakuli u muikulu. Nebali bana. Wena u muikulu, mwabona. Kacwalo Mulimu haana sika se si cwalo. Keleke kona ye na ni lika zeñata zeo, kono isini—isini kuba—isini kuba—isini. . . Mulimu ha yo cwalo.

³⁰ Cwale, mulemuhe ze, kutaha cwalo fafasi kufitela ishetumuka fafasi cwale, hainze itaha kwa bunyinyani, iba keleke. Lusika lwa Mapentekota lwa taha mwateni. Zani ne li pumakile kwateni misunya kaufela. Kona kuli ne li ezize

sikamañi? Ne li siile fela ba Methodist in ba Lutheran ni babañwi kaufela kwa mulaho wa bona.

³¹ Cwale Moya o Kenile u zamaile hande kuzwa mwa lusika lwa Mapentekota. Ki sikamañi se bae za? Ne ba ongaongile, ba ikeza ili bona, “Luna lu ba Assemblies of God. Luna lu ba Oneness. Luna lu ba Twoness. Luna lu ba church of God. Luna lu ba *se*, kamba *sani*. Ha mu ba siemba seo, hamukoni kukena Lihalimu konji haiba muna ni libizo la mina mwa buka ya luna.” Oh, bukuba bo bucwalo! Ha nina taba kamba u wa Baptist, Methodist, Presbyterian, u ñolise libizo la hao mwa Buka ya Bupilo haiba ki Mulimu ya li beya mwateni. Haiba ne mu lelilwe kutaha kwa Bupilo Bobusafeli, Mulimu uka mi biza ka mukwa omuñwi, ka buino bobuñwi, ka—ka nzila yeñwi cwalo. Yena luli uka eza. “Kaufela bao Ndate a Ni file ba ka taha ku Na.” Hakuna taba kamba u wa keleke mañi, zeo halina sa kueza ni sona. Kono kopano haina kueza sika nihaiba sisiliñwi ku wena, kono ikona fela ku kutibela hahulu kwa kuzwelapili ni Mulimu, kono haina—haina kueza nihaiba nto yekana. Ku ku kopanya hamoho ni sikwata sa balumeli ni baba sa lumeli. Eeni sha, zeo mu li fumana kaufela ko muya, mane nebana ni zona zeo mwa Lihalimu. Kacwalo, ku lukile kaufela, kono musweli kutalimela kwa kopano ya henu. Mutalime ku Jesu, ki Yena Ya lukela kutalimwa.

³² Cwale halunze lutaha ka kushetumuka fafasi kwa . . . nebana ni . . . Ki ba bakai . . . Ni lumela kuli musali ya na yemisa lizoho fa, kuli ubalile ka za ma piramidi. Mwa ziba, piramidi ne isika kwahelwa fahalimu. Nji cwani? Ne isika beiwa licwe la sikwahezo fahalimwa yona. Ne li siyo cwalo, mane ne musike mwa libona. Ha ba zibi kuli ki sikamañi sene si ezahalile ku yona. Kiñi? Kiñi licwe la sikwahezo hane li si ka beiwa fahalimu, lona licwe la kwa toho, fahalimwa yona? Kakuli Na hanilwe fani Ha taha. Na li yena Licwe le li hanilwe. Yeo ki niti. Kono ika kwaheliwa. Yeo ki niti. Mi cwale macwe ani akwana hande kupotoloha licwe la kwa Toho lani, ikaba macwe aswana ni lona Licwe lani, kona aka kwana hande fateni, kuswalana ni—ni mwa mabaka kaufela. Piramidi yateni ilambani hande kuli hamukoni nihaiba kufitisa kabemba mwahala ona, fo kufitile macwe ani hamoho. Ki musebezi omunde luli wa balubi ba sileze ni mandobo. Amañwi a ona akona kueza bukiti bwa matani amatuna mwa mbyumbyulu, mi ainzi fela hande ka swanelo.

³³ Cwalo kona mwa tiseza Mulimu Keleke ya Hae. Kaufela luna lu tamahani hamoho, pilu iliñwi mwa buñwi. Cwale yomuñwi uli, “Kihande, ma Lutheran kwa mulaho kwani neba sina sika.” Musike mwa li lumela. Ma Lutheran ba ka taha mwa zuho ka kuswana fela sina babañwi kaufela mo ba ka zuhela mwa zuho. Ba Baptist, ba Presbyterian, ni bana ba Mulimu kaufela, ba ka zuhela mwa zuho yani. Mi leo kona libaka kacenu batu habali, “Oh, kihande, ku kaba ni ancafazo ye ka ba teni ni

kupilisa Mapentekota baba kuma fa handeleti milioni. Ba ka piliswa kaufela bona mwa Kuungelwa.” Mu latehile. Kuungelwa kwani kukaba likitikiti ze mianda anda, yeo ki niti, kono ba ka shokomoka mwahala lilimo likiti ze silezi za puluso ni bona, lilimo ze likiti ze silezi kwa mulaho. Mutu u zamaile mwa Liseli Liseli haliinze litaha ku yena, u sila mitano ka nako ya fita ku yona. Cwale, haiba a hana Zeo, kipeto u siyala mwa lififi. Kono haiba uzwelapili kuzamaya!

³⁴ Cwale, mulemuhe, kona kuli Kutaha kwa Mulena Jesu ku sutelezi hahulu fakaufi kufitela Moya ozwelela kwatasi kwanu. . . kuba fela kutapiswa kipeto, kukeniswa, kolobezo ya Moya o Kenile, mi cwale kukena mwa nako ya kutaha kwa licwe lwa kwa Toho. Keleke ina ni kuba hahulu ka kupetahala sina Kreste kufitela Kreste ni Keleke likona kuswalana hamoho, mwa Moya o swana. Mi haiba Moya wa Kreste uba ku mina, U ka mieza kupila bupilo bwa Kreste, kuba ni likezo za bupilo bwa Kreste, kueza misebezi ya Kreste. “Ya lumela ku Na, misebezi ye Ni eza uka ieza ni yena.” Ki Jesu yana bulezi cwalo. Mwabona? Cwale lukaba ni, luna ni bulumiwa bo buna ni kutaha inge bupilo bwa Kreste. Kana bulumiwa bwani bu bonahalisa sikamañi? Ki Kutaha kwa Mulena.

³⁵ Mu li talimele mwa lifasi kacenu, mi mulemuhe sa na bulela Khrushchev, ona lika zetuna zemu ze kaufela, ni lindwa zetuna mwa lifasi zeli fakaufi, ka nako kaufela, ne likaba musili fela mwa muzuzu nyana. Yani ki niti. Mi haiba sani, lu ziba kuli sani li sutelezi. Mutu ya nahana hande kaufela wakona kubala mutende kamba kuteeleza kwa silimba, mi uka ziba kuli ki fakaufi luli. Kihande, muhupule, Kreste utela Keleke ya Hae sani si si ka ezahala kale. Kona kuli Kutaha kwa Mulena Jesu ku sutelelezi cwani fakaufi? Kwa kona kuba hakulata mukopano wo usika fela kale busihu bo. Lu kwa nako ya maungulo. Kaniti luli.

³⁶ Mutalime keleke hainze itaha, hainze i zamaya. Mu likenye fela mwa minahano ya mina, mina ba litaba za kale baba itutile litaba za kale. Mutalime fa keleke ya ba Lutheran mwatasa kutapiswa, hane ba zwa mwa Bukatolika, mu italime hainze izamaya. Mi mutalime ku Wesley ha nza taha bukaufi, kutaha mwa kukeniswa, ku bonahazwa mwa Maño. Mutalimele mwahala a bona, bo Wesley. Mi nto yetatama ye ne tile neli lusika lwa Mapentekota. Mi lusika lwa Mapentekota neli ka kukutiseza limpo, limpo za moya. Cwale, mutalime lusika lo lu tatama cwale kutaha kwa licwe lwa Toho. Mwabona se Ni talusa? Kutaha kwa Mulena, ze zibahalile. Mulimu ni zebupilwe kaufela li libelezi keleke kuli ifumane sibaka sa yona hande.

³⁷ Butata kacenu, Na. . . mane bukaufi ni mutu kaufela. Ne ni wile, ne lu sweli kuisa. . . Ni lukela kuba ni kutatubiwa kwa mubili, mwa ziba, haiba luya kwa buse bwa mawate, mina babuleli ba linzwi ni babañwi mwa ziba cwalo. Hane Ni sweli kuamuhela tatubo ya mubili ba ni zusa mwa muzuzu mwani,

Ne ni sweli kunwa . . . ne li bonahala kuna inge liñende cwalo, kamba sico, kamba nto yeñwi, mi Ne—Ne ni sweli kuinwela zona. Ni kuzwela kwande kwani, naina fafasi, na libelela fa licika la hola kubona haiba ne lika zwa mwa mba yaka kamba kutokwa. Na talima fabuse fani, mi nekuna ni musali yomuñwi wa sanana, ya na bonahala kuli nali bukaufi ni kushwa. Nali fela ya . . . mahutu amasisani ni mazoho amasisani. Mi Ne ni sweli kutaha ni shetumuka kuzwa ku muuna yo kutaha ku yoo, muuna yo ku muuna yoo, inge ni sutelela bukaufi ku yena, kufitela Ni ba fakaufi ni fa na inzi. Na bonahala inge nto yesina tuso yene ka ishwelela fela. Mi se Ni fita fakaufi ni yena, Se nili, “Uni swalele, mama.”

Ki hali, “U ikutwa cwani?” Oh, na li ya kula hahulu!

Mi se Nili, “Ki butata mañi?”

³⁸ Musali ali, “Ne ni ile kwa Tucson ku yo potela mwanake wa musizana. Se ni kula, habasika fumana kutata ki bufi.”

³⁹ Se nili, “Nto iliñwi ye Ni bata kuku buza ki kuli.” Se nili, “Ni mukutazi wa Evangeli. Kana u Mukreste? Kana u itukisize kuya haiba hola yani itaha?”

Mi musali ali, “Ni wa keleke ya *kuli-ni-kuli*.”

⁴⁰ Se nili, “Yeo ne si yona puzo ye Ni ku buzize. Kana u Mukreste ya tezi Moya wa Mulimu mi uitukisize kuya haiba A ku biza?” Musali na sa zibi mane sene Ni bulela fateni. Mwabona? Oh, ha ki pono ye sabisa ni yeo mwa lifasi likeni mwateni!

⁴¹ Cwale, “u lu zibisize likunutu za tato ya Hae,” za kutaha . . . Halu boneñi ni mi balele nto yeñwi. Ne ni sweli kubala mwa . . . Halu apuleni cwale kwa “kunutu ya tato ya Hae.” Halu apuleni mwa Maheberu mo fa muzuzu fela, kauhanyo ya 7 ya Maheberu, Ni lumela kuli ki yona. Mi Ni bata ku mi balela nto yeñwi yeka mi utwahalisa hande halu nahana ka za kuina hamoho mwa libaka za Lihalimu. Maheberu, kauhanyo ya 7.

Kakuli Melekisedeke yo, (cwale mulemuhe) mulena wa Salema, muprisita wa Mulimu muambakani ya pahami, . . .

⁴² Kunutu ki ifi cwale? Ki ye fa kunutu, mutalime se. Mutu Yo ki mañi, “kueza, kuziba, kunutu ya tato ya Hae,” Melekisedeke yo? Ni libelezi mutu kaufela fa, Libibele li sa apulwa. Maherebu, kauhanyo ya 7, Paulusi wa bulela, yena muuna ya swana wa Magalata.

Kakuli Melekisedeke yo, mulena wa Salema, muprisita Mulimu muambakani ya pahami, . . . ki yena yana ilo katanyeza Abrahamama nako yazwa kwa kubulaya malena, mi amu fuyola;

Ki yena ya filwe ki Abrahamama mubingu wa nto iliñwi, ku ze lishumi za tutu yana hapile kaufela; pili ha kutaluswa, ka kutaluswa ki Mulena wa kuluka, . . .

kuzwa fo...ki Mulena wa Salema, (Yena Mutu yo ki mañi?) ili yena, Mulena wa kozo;

Ki ya sina ndatahe, ki ya sina mahe, asina lusika, asina fa kalela mazazi, kamba fo bufelela bupilo; . . .

⁴³ Muuna yo neli Mañi? Nali yena Mañi? Na sina ndatahe, Na sina mahe, Na sina fa Na kalezi, kamba nihaiba kuba ni nako fo A ka shwela. Na katani Abrahamama hazwa kwa kubulaya malena. Ki sikamañi sa na eza? Na ilo nga Lota, muzwale wa hae ya na latehile, ku yo mu kutisa. Mi a bulaya malena; ili, malena bana bulaille bani; Ni lumela kuli neli ba balishumi kamba lishumi ni baketalizoho malena bani, ni mibuso ya bona. Kono Abrahamama a tinisa liapalo za ndwa batanga ba hae mi baya ni yena, aikauhanya ka nako ya busihu, mwabona, ha na ilo muswala ka nako ya busihu. Oh, muzwale, lu sebeza mwa lififi cwale, Liseli fela le lunani ki Liseli la Evangeli. Kono yena na ikauhanyize ili yena, ayo muswala ni ku mu kutisa. Mi fa musipili wa kukuta kwa hae, kasamulaho wa ndwa ifela!

⁴⁴ Halu yeni mwa Genese 14, fa muzuzu fela, lunge likande ka kutala. Halu apuleni fateni mwa Genese, ki fo- . . . Ni lumela kuli ki 14, Genese 4. Eeni, halu ngeni Genese 14:18, lukalise. Halu kaleleni fahalimu nyana a foo. Halu kaliseni, eehe, timana ya 18, Genese 14:18, “Mi Melekisedeke . . .” Cwale, yani ki Abrahamama ya kuzwa kwa kubulaya malena. A yo kuta, fa musipili wa hae wa kukuta, inza kutisa Lota, batu kaufela bene ba hapile. Kaufela!

⁴⁵ Sina Davida, yanaile kwa kunga . . . Kisikamañi sa na ezize Davida? Na ngile kafwililo kaka likani, azwela kwande mi a yo yangwela ngunyana yani mwa mulomo wa tau. Mu nahane kafwililo, a latelela ngunyana. Ki mañi yakona kueza cwalo? Mu ni bulelele kuli ki muuna ufi mwahali mo yakona kueza cwalo, uyemise lizoho la hao. Ni ka ku bulelela kapili kuli wa puma. Ha mu si ka ni bona na inge ni nanuzi laka. Batili, Ha ni koni nihaiba kuimatisa inge nina ni tobolo yetuna ya malumo a bukiti, kamba ki a cwani kaufela. Kono yena na ilatelezi ni kafwililo, kaemba nyana ka mukata cwalo, ni mihala yemibeli kwateni, ku ka potolosa. Kakuli . . . Ni hane kutile nako ya Goliati kuli anyefule, a mu mbatoka Goliati, mi ki hali, “Mulimu wa Lihalimu u ni lukuluzi kulamulela ngunyana mwa mulomo wa tau, ni mwa mulomo wa bere.” Na zibile kuli ne si kafwililo. Neli mata a Mulimu ana zamaya ni yena. Ki Yena ya na bandusize ngunyana yani.

⁴⁶ Mi seo kona se lu bulela kacenu. Mulimu una ni bo Davida baba sa libelezi, eeni sha, baba sa fepa lingu za Ndate. Mi fa ni fa sitombo sa taha, kamba yona kansa haitaha, kamba sika sesiñwi cwalo, ni kutula kuzwa mwa mazoho a dokota. Sani hasina kupaleliswa Davida yani, u ka zwela kwande a latelele mutu yani, ni kafwililo ka kanyinyani, ka kuli, “Mukupe sika kaufela ka Libizo la Ka, si ka fiwa.” Hanina taba, madokota bakona

kuseha, mi mutu kaufela wakona kuba ni lisheha ka yena, uka i latelelela niteñi, ku yo kutisa ngu yani kukutela mwa mulaka. Eeni, sha. “Yani ki mwana Mulimu, zwise lizoho ku yena!” Kunata tau ye kuiwiseza fafasi, mi tau hainanuha, a iswala kwa mulelo wa hona ni kuibulaya; mushimani yomunyinyani fela yo mufubelu, nisepa kuli hakulata nana ni buima bo bulikana lipaundi ze eite kamba ze nainte za bukiti.

⁴⁷ Mutalimele. Melekisedeke, Mulena wa Salema ili Mulena wa Kozo, kakuli mane Salema iyahile fa buse bwa lilundu. Ki Mulena wa Jerusalema, ki Yena yo nali yena. Luli yani ki Yena yanali yena, Mulena wa Jerusalema. Ili, Jerusalema kakuli sapili ne ibizwa Salema, ili yona kozo; yani neli Jerusalema pili, isika bizwa kale kuli Jerusalema. Nali yena Mulena wa Jerusalema. Nali yena Mulena wa kuluka, ili Mulena wa kozo, ili Mulena wa Salema. Na sina ndatahe, Na sina mahe, Na sina makalelo a mazazi, Na sina mafelelezo a bupilo, Na sina lusika. Oh, oh, oh! Kana Mutu yo ki mañi? Mu Mutalime. Kasumulaho wa ndwa imano fela, kasumulaho wa tulo iwinwa, mutalime sa Na bulezi. “Mi Melekisedeke,” timana ya 18, kauhanyo ya 14, Genese.

Mi Melekisedeke mulena wa Salema atisa buhobe ni veine: neli muprisita wa Mulimu muambakani ya pahami.

A mu fuyola, ali, Kufuyolwe Abrame ki Mulimu muambakani ya pahami, muña lihalimu ni lifasi:

Ku lumbiwe Mulimu muambakani ya pahami, ya ku file lila za hao mwa mazoho a hao. Mi amuabela iliñwi ku ze lishumi za lika kamukana.

⁴⁸ Halu baleni kuisa fapata nyana.

Mulena wa Sodoma ali ku Abrahama, Ni fe batu, u ipulukele tutu.

Kono Abrame a alaba mulena wa Sodoma ali, Ni yemisa lizoho la ka ku MULENA, Mulimu muambakani ya pahami, muña lihalimu ni lifasi, (Muteeleze mwa na bulelezi seo, hum, mwa na si fezi ku yena!)

Kuli Hanina kunga sesiñwi sa hao nihaili bwanda nihaili kwele ya sikatulo, ni kuli Hanina kuna sika, kutokwa nihaiba sika kuli. . . kuli ubulele kuli, sesili sa hao, kuli usike wa li, Ni fumisize Abrame:

Haisi fela se si cilwe ki batanga ba ka, . . .

⁴⁹ Mulemuhe Melekisedeke yo ka nako Ya katanyeza Abrahama hazwa kwa kubulaya malena. Kunutu ya Mulimu cwale ya zibahazwa! Nali yena Mañi? Hakuna. . . Habakoni kufumana taba ya kale kaufela ka Yena, kakuli Na sina ndatahe ni yomukana, Na sina mahe ni yomukana, Na sina nihaiba nako fa Na kalezi, Na sina nihaiba nako fa Na shwezi, kona kuli abe Mañi Yacwani kaufela usali ya pila. Yena na sina makalelo, kona

kuli Na sike aba usili fela kwanda kuba El, Elah, Elohim; ya ipupile anosi, ya ipilela anosi, Mulimu Yamata!

⁵⁰ Jesu nana ni Ndatahe, Jesu nana ni mahe; Jesu nana ni makalelo a mazazi, Jesu nana ni mafelelezo a bupilo bwa lifasi. Kono Muuna yo yena nasina nihaiba ndatahe kamba mahe, amen, kutokwa ndatahe kamba mahe. Jesu nana ni ba babeli kaufela Ndatahe ni mahe. Muuna yo yena nasina nihaiba ndatahe kamba mahe. Amen. Mi ki sikamañi sa Na ezize, kasamulaho ndwa imana kufela, kasamulaho Abrahamama amana kunga sibaka sa hae?

⁵¹ Mi keleke imano ba ni sibaka sa yona, lu bizezwa kutaha kwa Kuañuliwa kuba bana, ka Moya o Kenile. Mi cwale mutu kaufela ha sa bile ni sibaka sa hae, sona seo Mulimu amu bizelize kueza, ni kuyema kwa mafelelezo a mukwakwa, uya mwa mulaho wa baba latehile.

⁵² Pili, Paulusi u zwise sabo kaufela ku yena, kacwalo he, “Haiba u bizizwe, haiba ha usika pumiwa fela ka mihupulo ya hao kuya ka lituto zeñwi za bulapeli; haiba luli upepilwe ka Moya, konakuli Mulimu na ku lemuhile kale cwalo kusikaba kale mutomo wa lifasi, abeya libizo la hao mwa Buka ya Ngunyana ya Bupilo, mi cwale lutaha hamoho kutoina mwa libaka za Lihalimu ku Kreste Jesu. Luli sicaba se si kenile, luli naha yekenile, sicaba se si ipitezi, batu ba silena, lunze lufa litabelo za moya ku Mulimu, fo ki kuli, ki miselo ya milomo ya luna lunze lufa tumbo kwa Libizo la Hae.”

⁵³ Sicaba sa taha mi sibulela kuli, “Batu bani ba lyangani.” Luli ba lyangani; butali ba Mulimu ki butanya kwa batu, mi butali bwa batu ki butanya ku Mulimu. Ba shutana, alimuñwi ku yomuñwi.

⁵⁴ Kono keleke ya niti yetezi Moya, yetezi mata a Mulimu, ye inzi hamoho mwa libaka za Mahalimu, inze ifa litabelo za moya, litumbo za Mulimu, Moya o Kenile unzo zamaya mwahala bona, inge ba lemuha sibi ni kubiza lika zeli mwahala bona ze fosahalile, ku li otolola hande ni ku li namulula ku li sungamisa kulikanelela. Kakuli kiñi? Kamita ki fapila Kubatani kwa Mulimu kona fo kuna ni Sitabelo sani.

⁵⁵ Cwale muhupule, lu fitile ku zona kakusasana wo. Ha mu si ka piliswa ka Mali, mu *bulukilwe* muli baba pilisizwe ka Mali. Kono ne mu pilisizwe ka sishemo, ka tumelo, ka kulumela cwalo. Mulimu na ngongotile fa lipilu za mina kakuli Na mi lemuhile kale. Mwa talima mwahalimu ni ku li lumela, mwa li amuhela. Cwale Mali alukisa swalelo ya libi za mina. Muhupule, Ni iize, “Mulimu ha nyazi muezalibi ka kueza sibi.” Kakuli ki muezalibi ka kukala. U nyaza Mukreste ka kueza sibi. Mi kakuli U mu nyazize, Kreste u ngile nyazo ya katulo ya luna. Konakuli hakuna katulo ku babali ku Kreste Jesu, baba sa zamayi ka nama, kono ki ka Moya. Mi haiba mueza sika se si fosahalile, ha ki ka kulata.

Ha mu ezi sibi ka kulata. Mutu ya eza sibi ka kulata ka boomu, ha zwela kwande mi u yo eza sibi ka boomu, ha si ka taha kale mwa Mubili wani. Kono mutu ya sa keni mwahali mwani, u shwile, mi bupilo bwa hae bu patilwe ku Mulimu, ka Kreste, u swailwe ka Moya o Kenile, mane diabulosi hakoni ku mu fumana, u ile kwa mulaho kafoo. Una ni kuzwa mwateni mwani haiba diabulosi ubata ku mu swala. “Kakuli mu shwile!”

⁵⁶ Mu bulelele mutu ya shwile kuli ki muipi mi mubone se si ka ezahala. Ku mu lahaka kwa makupo ni kubulela kuli, “wena muipi tuwe, wena,” haana kubulela linzwi. Mi yeo ki niti, uka lobala fela ona cwalo fani.

⁵⁷ Mi mutu ya shwezi ku Kreste, mwakona ku mu biza kuli muipi, mu mubize sika kaufela se mubata, haana kuzuha kunana ni mina. Haiba kuna ni se si ka ezahala, uka picukela kusili mi a mi lapelele. Yeo ki niti. Kono, oh, babañwi ba kubona isali baba pila. Sani kona se Ni nahana ka zona, lu lukela kupumbeka batu ba bashwile. Bona baba shwezi ku Kreste, lu ba pumbeka mwa mezi. Fokuñwi lu pumbekanga batu babañata hahulu baba sa pila, situhu se siñata hahulu ni lindwa, mi kuna ni babañata hahulu mwa keleke. Kono halukoni ku kauhanya sani, kono Mulimu wa li kauhanyanga. Wa ziba sicaba sa Hae. Wa ziba lingu za Hae. Wa ziba Linzwi kaufela. Wa ziba bana ba Hae. Wa ziba yo Akona kubiza, Wa ziba be A lemuñhile kale. Wa ziba be Afile lika ze, sona Sa zibahala ka sona. Ka mo Yena. . . Mulimu wa kona kubeya sepo mwa bana ba Hae, ka za kueza, ka kuziba kuli ba ka eza ka swanelo.

⁵⁸ Kana mwa lumela kuli Mulimu wa ezanga zeo? Kiñi, Satani ali ku—ku Jobo zazi leliñwi. . . ali ku Mulimu zazi leliñwi, “Eehe, Una ni mutanga bati.”

⁵⁹ Mulimu ali, “Hakuna yaswana ni yena mwa lifasi. Yena ki muuna ya petehile.” Nana ni sepo ku yena.

⁶⁰ Satani ali, “Oh, eehe, una ni lika kaufela ka mukwa o bunolo. Halu bone ni mu swale fa nako nyana mi uka Ku lwaha inge U mutalimezi.”

⁶¹ Mi ali, “U mwa mazoho a hao, kono usike wanga bupilo bwa hae.” Mwabona? Mi sa eza lika kaufela kwanda kunga bupilo bwa hae.

⁶² Kono, oh, Jobo, bakeñisa kuba. . . ki sikamañi san a ezize? Kana na lwahile Mulimu fani Mulimu ha mu amuha bana ba hae, hamano eza lika zemaswe ze kaufela ku yena, ni lika kaufela? Jobo na sika buza. Awa ka pata mi alapela, haleluya, ali, “Mulena na ni file mi hape Mulena u ni amuhile, kufuyolwe Libizo la Mulena!” Ki fohe cwale.

⁶³ Mulimu na zibile sepo ya Hae ku Jobo. Mulimu wa ziba kuli Ukona ku mi sepa kuisa kai. Wa ziba kuli Ukona ku ni sepa kuisa kai. Kono se lubulela cwale ki ku tomahanya mwana yo.

⁶⁴ Cwale, fani Bibebe...Haiba ndwa ifela, mi haiba lika kaufela li felile, konakuli se si tatama sa kueza ki sikamañi? Ki sikamañi se lueza kasamulaho ndwa imana kufela? Kana mwa ziba se lueza? Lu katana Melekisedeke. Ha lu apeleni mwa Mateu 16:16, kapili luli, lubone haiba yeo ki yona kamba nee. Muhalalehi Mateu, kauhanyo ya 16 ni timana ya 16. Ni lumela kuli yeo ki yona, Mateu 16:16. Mateu sikisi-...Batili, ha ki yona, hanikoni kuba fakaufi cwalo. 26:26. Oh, 16 kiye, U sweli kubulela ku Simoni Pitrosi; muniswalele, Ne ni sa bati kubulela cwalo. 26:26, kakuli ki mulalelo wa mafelezo, sani kona se Ni lika kufita ku sona. Mateu, kauhanyo ya 26 ni timana ya 26. Cwale lu ifumani, ki luna ba fa, fa mulalelo wa mafelelezo.

Mi bali ba sa ca, Jesu anga buhobe, a lumba, a bu komauna, abufa balutiwa ba Hae, mi ali, Munge, muce; wo ki mubili waka.

Mi anga sinwiso, a itumela, ni ku ba fa sona, ali, Munwele mwateni kaufela;

Kakuli a ki mali aka a bulikani bo bunca, a sululelwa babañata bakeñisa swalelo ya libi (l-i-b-i, libi, Bakreste baba eza lika ze fosahezi).

⁶⁵ Ku lukile, “Kono—kono . . .” Muteezeze, timana ya 29.

. . . Ni li ku mina, Hani sana kunwa se si beiwa ki kota ya veine kuzwa cwale, mane kufite lizazi le Ni ka sinwa ni mina mwa mubuso wa Ndate.

⁶⁶ Sikamañi? Nto yeswana Melekisedeke na iezize kasamulaho Abrahamama amano amuhela sibaka sa hae. Abeya baana bah ae mwa sikuka, mi akoma ndwa, mi akutela kwa hae, mi Melekisedeke ataha ni buhobe ni veine. Kasamulaho ndwa imana kufela, mi luka yo ca Mulalelo wa Linyalo ni Mulena Jesu mwa lifasi lelinca. Oh, kufuyolwe Libizo la Mulena. Ku lukile.

⁶⁷ “Likunutu za kulata kwa Hae, kuya ka tato yende ya Hae,” lu kuteleni hape mwa Maefese, 9, “Ya lelile ku Yena.”

Kikuli linako za na tomile halise li petahalile . . .

⁶⁸ Mi muhupule seo, kona lu sa zo fitelela fateni. Maefese, kauhanyo ya 1, timana ya 10.

Kikuli linako za na tomile halise li petahalile . . .

⁶⁹ Cwale, lu itutile kuli kutalelela kwa linako ku libelela sikamañi? Kutalelela kwa linako kaufela, ki nako yeo fo sibi ha si ka fela, ki fo lifu ha li ka fela, nako foo matuku ha ka fela, ki nako fo sibi ha si ka fela, nako fo kulyangana kaufela (ona lika ze lyangani zani, yeo diabolosi a lyanganisize) ha ku ka fela, fo ni yona nako kasibili haika fela. Mulemuhe.

Kikuli linako za na tomile halise li petahalile a kubukanyeze linto kamukana . . .ku alimuñwi yena Kreste, ni za kwa lihalimu, ni mwa lifasi; ku yena:

70 “Ku kukanya lika kamukana ku Kreste.” Sina ha Ni bulezi kakusasana kacenu, lika zende ze nyinyani kaufela ze lu fumana, ona lika zetuna ze nyinyani ze, mwakona ku libaakanya mwa Genese, mwakona ku li baakanya mwa Exoda, mwakona ku li baakanya mwa Levitike, ni ku litisa hande ona cwalo, ni mi mwa Sinulo li yo felela kuba Jesu. Munge Josefa, munge Abrahamama, munge Isaka, munge Jakobo, munge Davida, munge yeñwi ya lika zende zani, baana ba Mulimu bani, mi mubone haiba hamuna kubona Jesu Kreste ya bonahalile ku mañi ni mañi wa bona. “Kuli akone ku kubukanya lika kamukana ku Alimuñwi, yena Kreste Jesu.”

71 Cwale, luye fapata nyana cwale, cwale timana ya 11.

Ku yena luezizwe baba ka yola sanda, . . .

72 Oh, “ki sanda.” Mutu una ni ku mi siyela sika, kuli mu yole. Kana ku cwalo? Ki sanda! Ki sanda mañi se lu nani? Ki sanda mañi sene Ni nani? Ne ni sina ni sesikana. Kono Mulimu u ni siyezi sanda ha Na beile libizo laka mwa Buka ya Bupilo ya Ngunyana mane kale kusina mutomo wa lifasi.

73 Oh, mu li, “Cwale, libelela fa muzuzu, muzwale, Jesu na ezize zeo ha Na mi shwezi.” Batili, Na si ka eza. Jesu natezi ku to ni lekela sanda. Mubale yona timana yetatama- . . . ona mubamba otatama wo.

Ku yena lu ezizwe baba ka yola sanda . . . baba ka yola sanda, kakuli ne lu lelitwe pili ka mulelo wa hae yena ya sebeza linto kamukana ka mulelo wa tato ya hae:

74 Mulimu, kusikaba kale mutomo wa lifasi, sina ha lu talimile mwateni mwa tuto, mina sicaba, mo lu bonezi Mulimu kuli nali ya ipupile ili yena, kuli mane ku Yena nekuna ni lilato. Ku Yena ne ku lukela kuba Mulimu; nekusina sina sa ku Mu lapela. Ku Yena neku lukela kuba Ndate; nekuna ni. . . Na ipilela fela Anosi. Ku Yena neku lukela kuba Mupulusi; hakuna sene si latehile. Ku Yena neku lukela kuba Mufolisi. Yani kona milelo ya Hae. Nekusina sika mwani. Kacwalo Yena Kasibili, mulelo wa Tato ya Hae luli kona o no tisize lika ze, kuli akone ka yena Mutu alimuñwi yo, yena Kreste Jesu, akubukanye lika kamukana hamoho hape. Oh! “Liito ha li sika bona, zebe ha isika utwa. . .” Ki kabakaleo ki nto ya kunutu!

75 Amutalime, “u lu lemuhile kuli lube ni sanda se.” Haiba Nina ni sanda sesiñwi, haiba Mulimu usweli ku ngongota fa pilu yaka inzali, “William Branham, Ni ku bizize kale, mane kusikaba kale mutomo wa lifasi, kuli ukutaze Evangeli,” Nina ni sanda, ki sanda sa Bupilo Bobusafeli. Cwale, Mulimu na lumile Jesu kuli ato ni fa sanda sani kuna sa niti ku na, kakuli ne kusina nene Ni ka eza fakuli ni—ni ipumanele sona. Neli li mukungulu, neli swanela, nekusina sene Ni kona kuezza. Kono ka mutalelela wa nako Mulimu aluma, mwa nako ya Hae Luli yende, Jesu Ngunyana, ye tabilwe haisamba lifasi litomwa. Mali a Hae a

suluha kuli Ni ye kwa sanda saka. Kuba seo, ki sanda mañi? Ki bwana, kuba mwana wa Mulimu.

⁷⁶ Mi cwale Se sakona ku mi kama kuisa lifu. Kono kana mwa ziba kuli batu babali bana ba Mulimu ki balimu ba banyinyani? Ki ka bakai baba ziba cwalo? Ki ba bakai baba ziba kuli Jesu na bulezi cwalo? Ki Bibebe, Jesu naize, “Kana mulao wa mina ha u buleli cwalo, ona luli, kuli mu ‘milimu’? Mi haiba mu ba biza milimu. . .” Bao, Mulimu naize mwa Genese 2 kuli nebali milimu, kakuli nebali cwalo, neba na ni puso yetezi mwa lifasi. Na mu file puso fahalimwa lika kaufela. Mi a latehisa bulimu bwa hae, alatehisa bwana bwa hae, a latehisa puso ya hae, mi Satani a to li yola. Kono, muzwale, lu libelezi kupatululwa kwa bana ba Mulimu baba ka kuta ku to li hapa sinca hape. Ba libelezi mutalelela wa nako, fo piramidi haifita fa halimu, fo bana ba niti ba Mulimu ha ba ka patululwa, fo mata a Mulimu ha ka zamaya hande (haleluya) mi bakanga mata kaufela ao Satani anani ku mu amuha ona. Eeni, sha, ki a hae.

⁷⁷ Ki Yena lumonyi lolubizwa Logos lo lu zwile ku Mulimu, yeo ki niti, yani neli Mwana Mulimu. Mi A eza mutu yani kuba mulimu yomunyinyani. Mi ki Hali, “Haiba ba biza bani be Linzwi la Mulimu litile kubona, bona baplofita, haiba ba ba biza kuli ‘milimu’ bao Linzwi la Mulimu litile ku bona. . .” Mi Mulimu a bulela cwalo, Yena kasibili, kuli nebali milimu. A bulela Mushe kuli, “Ni ku ezize mulimu, mi ni ezize Aruni kuba muplofita wa hao.” Amen. Whew! Ni kona kuezwa inge sikuba sa bulapeli, kono ha Ni ya cwalo. Oh, fo meeto a mina a kwaluha ni kubona lika ze. Ku lukile. Na ezize mutu kuba mulimu, mulimu wa mwa sibaka sa hae. Mi sibaka sa puso ya hae ki kuzwa kwa liwate le kuisa liwate lani, kuzwa kwa likamba leliñwi kuisa ku leliñwi; yena una ni zamaiso ya zona.

⁷⁸ Mi cwale Jesu hana tile, ali Mulimu Alimuñwi yasina sibi, Na bonisize cwalo. Fani mañungwa hana fukile, Ki hali, “Kozo, ibe teni!” Amen. Mi cwale kwa kota, Naize kuli, “Kutikwe mutu ya ca se si beiwa ki wena.”

⁷⁹ “Kaniti, Ni li ku mina, mina balimu baba nyinyani, haiba muka bulelela lilundu leo kuli, ‘u shimbuluke,’ mi mu sa kakanyi mwa lipilu za mina, mu lumela kuli se mu bulezi si ka ezahala, mwakona kuba ni se mu bulezi.”

⁸⁰ Mukutele kwa Genese, ku za makalelo, ki sikamañi seo? Cwale lifasi ni zebupilwe za tonga, za lila, lika kaufela za zikinyeha. Sikamañi? Kwa kupatululwa kwa bana ba Mulimu, fo bana ba niti, ba bapopilwe bali bana, bana baba talizwe ha ba bulela mi linzwi la bona la yemelwa. Ni lumela kuli lu fa museto wa zona cwale. Eeni, sha. Mu bulele kwa lilundu leo, ku kaba cwalo.

⁸¹ “Muzwale, Ni—Ni lakaza sa *kuli-ni-kuli*, sika sesiñwi sa ezwa. Ni mulumeli ku Jesu Krete.”

82 “Ni mifa zona ka Libizo la Mulena Jesu Kreste.” Amen. Ki ko kupatululwa.

83 “Oh, muzwale, limela za ka za ca mwabuse kwani. Hani sicaba ni pula.”

84 “Ni ka mi lumela pula, ka Libizo la Mulena.” U ka taha. Oh, wa libelela, wa tonga, zebupilwe kaufela li libelezi kupatululwa kwa bana ba Mulimu. Mulimu na li tomile cwalo isali kwa simuluho. Na file mutu sibaka sa puso.

85 Na file Jesu Kreste, mi Jesu alifa ka Libizo la Hae, ka sepiso ye, “Mukupe Ndate sika kaufela ka Libizo la Ka mi Ni ka si eza.” Oh, Muzwale Palmer! Ku libelela kupatululwa kwa bana ba Mulimu, ili sibaka, ili keleke!

86 Sina ha Ni bulezi, Buka ya Maefese ki Buka ya Joshua, mi Joshua na tomahanyize sicaba ko ne si lukela kuba. Cwale, haiba nebasike ba yema ba kuzize, mi a beya Efraimi fa, mi ni fa sibaka se kube Manasse, mi *yo* utaha inza kanana ni kufilikana, konakuli uka utwana cwani ni babañwi? Haiba yomuñwi uli, “Ni wa Baptist, Ni wa Methodist, Ni wa Pentekota, Ni waba Oneness, Ni waba Twoness, Ni wa *Kuli-ni-kuli*.”

87 Konakuli muna eza cwani seo? Muyeme inge mu kuzize! Mulimu ubata kubeya Keleke ya hae mwa sibaka ka swanelo, bana baba shimani ni basizana ba Mulimu. Mulimu, lumeleza kuli ni pile mane ni libone, kona tapelo yaka. Fa kaufi hahulu kufitela Ni kona fela ku liutwa ka mazoho aka, mo ku bonahalela. Li teni ona fani. Sani kona se Ni lakalize kubona, ku libelela nako ha lu ka zamaya mwa mikwakwa; kuna ni sihole ya lobezi fani, kuzwa mwa mba ya bo mahe, “Silivera ni gauda ha Nina zona.” Oh, kulibelela kupatululwa kwa bana ba Mulimu, haleluya, fo Mulimu ha ka itibahaza Iliyena, ha ba ka tuhelisa matuku, ba ka tuhelisa kansa, ba ka tuhelisa makulano.

88 Mu nahana kuli kansa ki sika? Bibeke ibulezi kuli ku ka taha nako fo batu ha ba ka bola mwa mibili ya bona, ni manofu aka ka litupu za bona mane ba si ka shwa kale. Kansa ki lusinga ku ze sa taha. Kono, muhupule, yona taba ye sabisa yani ne ihanisizwe mwa lizazi lani kuswala bene bana ni Liswayo la Mulimu. Seo kona se lu ikataleza cwale, kukena mwateni kuba ni kutomahanyiwa hande mwa Mubuso wa Mulimu kale likoto zesabisa li si ka wa kale. Oh, ha ki bunde! Mundandwe wa nako, mutalelela wa nako, ki sanda.

*Ku yena hape...lu ezizwe baba...ka yola sanda,
kakuli ne lu leliuwe pili...*

89 Kana sanda sa luna se si filwe cwani ku luna, ka sikamañi? Kulemuhiwa. Kulemuhiwa ki kuzibiwa kale. Kana Mulimu na zibile cwani kuli Na ka ku sepa kuba mukutazi? Ki ka kuziba kwa hae. “Ha ki ya itakaleza kamba yena ya mata, kamba yena... Ki Mulimu ya bonisa sishemo.” Yeo ki niti, kulemuhiwa.

Na zibile sene sili ku mina. Na zibile sene sili ku mina mane musika taha kale mwa lifasi. Na zibile sene sili ku mina mane kusikaba lifasi lene muka taha ku lona. Yani—yani ki Yena. Yani ki yena Mulimu ya sina mafelelezo, ya sina mafelelezo. Luna luna ni mafelelezo, lukona kunahana fela lika zena ni mafelelezo.

⁹⁰ Seli lika zetuna hahulu kuna, haibile seo kona se si ezahalile kuna. Ha ni zibi. Ha Ni nahana cwalo, ha Ne ni yemi fani ka linako za tabo zani, mi na nahana kuli, “Hakuna kamuso.” Nekusina maabani, hakuna matuku, hakuna maswabi. Hakuna tabo nyana, mi ni tabo yeñata hahulu; kono ki tabo kaufela yona. Oh, mawi! Oh, hane Ni yemi fani mi se Nili, “Se ki sikamañi?”

⁹¹ Linzwi lani selili, “Le ki lilato le lipetehile, mi lika kaufela zo no latile ni lika kaufela ze ne ku latile liteni kwanu ni wena cwale.”

⁹² “Mi uka lu tahisa ku Mulena Jesu nako Ya taha, kakuba lituwelo za bulumiwa bwa hao.” Ne ni boni basali babande bani inge ba yemi fani, kaufela bona inge ba ni fumbatela ni kuhuwa kuli, “Muzwale waka, yomunde!” Ne ni boni baana bani ni milili yesika kamunwa yani ikuma mwa milala ya bona fa, inge ba mata, ku to ni fumbatela ni kubulela kuli, “Muzwale waluna yomunde!”

 Mi Na hupula kuli, “Kanti se si talusa sikamañi?”

 Mi ali, “Ki sibaca sa hao.”

⁹³ Se nili, “Sicaba saka? Haba koni kuba babañata cwana ba ha Branham, ki ma milioni.”

⁹⁴ Mi ali, “Ki bo fetulezi ku bupilo!” Haleluya. “Ki bo fetulezi ku bupilo. Ki bona luli. . .” Ali, “U muboni yani ya yemi fani?” Musali yomunde hahulu ku be Nikile nabona. Ali, “Neli wa lilimo ze fitelela nainte za kupepwa ka nako yo mutisa ku Mulimu. Kona ha sweli kuhuwa kuli, ‘Muzwale waka ya lateha.’” Ali, “Hasana kuba ya supezi ni kamuta. U fitelezi kale seo. U mwa kutiya kwa bunca. U yemi fani. Hakoni kunwa mezi a bata, ha li tokwi zeo. Hakoni kuina fafasi ni ku lobala, kakuli ha katali. Hakuna kamuso, hakuna maabani, hakuna sika. Lu mwa Kuyakuile cwale. Kono zazi leliñwi leli kanya Mwana Mulimu uka taha, mi uka atulwa kuya ka Linzwi lo kutalize ku bona.” Oh, muzwale!

 Se nili, “Kana Paulusi ni yena uka tisa sikwata sa hae?”

 “Eeni, sha.”

⁹⁵ Se nili, “Ne ni Li kutalize ona cwalo fela sina Paulusi mwa na Li kutalelize. Ne ni si ka keluhela kusili, Ne ni si ka nga lituto za litumelo za keleke kamba sika sifi kaufela. Ne ni pilile ka kuswana.”

⁹⁶ Mi kaufela bona ba huwa hamoho kuli, “Lwa ziba cwalo! Luna ni sepo yetezi.” Bali, “U ka lu tisa ku Yena, mi kipeto

kaufela luna kuka kutela fa lifasi, ku yo pila kuyakuile.”
Oh, mawi!

⁹⁷ Ona fani fela se Ni funduka. Na talima, inge ni lobezi fa mumbeta fani, mi Na bona situpu sa ka sa kale inge si supala ni kuba ni mañonde, ni ku boteha mane ni—ni kutala matuku ni makulano, ni Na bona mazoho aka kwa mulaho wa toho yaka, mi Na hupula kuli, “Oh, kana Ni ka kutela kwani hape?”

⁹⁸ Mi Na zwelapili ku utwa Linzwi lani kuli, “Zwelapili kuikataza! Zwelapili kuikataza!”

⁹⁹ Se nili, “Mulena, Ni lumezi mwa foliso ya Bumulumu kamita, Ni ka zwelapili ku lumela cwalo. Kono Ni ka ikataza bakeñisa mioyo ya bona, kacwalo uni tuse. Nina ni babañata kwani bao Ni ka . . . Ni konise kupila, Mulena, mi Ni ka beya milioni yeñwi mwateni, haiba Uka ni lumeleza fela kupila.”

¹⁰⁰ Hanina taba kamba ki mubala mañi, kamba ki tuto mañi ya tumelo, kamba ki wa naha ifi, seo bali sona, kaufela bona ki balibañwi ha ba fita kwani, mi ona miseto ka milulwani yani se ifelile. Oh, Na kona kubona basali bani, babande luli; nali kuba nibone . . . kuya kwatasi, milili yemitelele neifita mwa mikokoto ya bona. Likoci ze telele kufita fafasi. Nebali fela mahutu hutu. Kubona baana bani inge bali ni milili ye shangalakani ona cwalo kufita mwa milala yabona, litho za milili yefubelu, litho za milili zensu, ni mibala yeshutana kaufela. Mi neba sweli ku ni apesa mazoho abona. Ne ni a utwa. Ne ni utwa mazoho a bona. Mulimu ki Muatuli waka, mi ni Buka ye kenile ye kwaluhile. Ne ni a utwa sina mo Ni utwela mazoho aka kwa sifateho saka. Neba sweli ku ni apesa mazoho abona, hakuna maikuto a basali sina mo kuinezi ka nako ya cwale. Hanina taba kamba u ya kenile cwani, kamba ki wena mañi, kamba u mukutazi ya cwani, muprisita kamba kaufela sokona kuba sona, hakuna muuna yakona kulumeleza musali ku mu swala mazoho, kusina kuba ni maikuto a kufutumala mubili. Yeo luli ki niti. Kono, muzwale, ha mu fita mwahala a kwanu ni kwabuse kwani, hakuyo cwalo kulo kwani. Oh, mawi! Fela ki . . . Oh, kuna ni . . . Ha ku konahali. Kaufela kwani ki lilato. Lika kaufela ki za niti muzwale mi ki za niti kezeli. Hakuna lifu, hakuna maswabi, hakuna muna, hakuna sika, hakuna se si kona kukena mwani. Zeo ki lika ze petehile. Zeo kona ze Ni ikataleza. Zani kona ze Ni tomahanyezwa.

¹⁰¹ Se nili, “O Mulena, seo kona se Ni bezi teni mwa keleke mo, ni lika kutoma keleke mwa sikuka.” Ku mi bulelela, muzwale ni kezeli, kunani fela nto iliñwi yekona kukena mwani, yani ki lilato leli petehile. Haki kuli muna ni likute kwa Branham Tabernacle, kamba kwa keleke ya Methodist kamba kwa keleke ya Baptist. Zeo kaufela ki zende, mwa lukela kuba cwalo. Kono, oh, balikani, muna ni kuba . . . Haki kuli mu bulezi ka malimi, mubinezi mwa Moya, kakuli mu lelekile mioya kamba mu shimbuluzi malundu ka tumelo. Zeo kaufela ki zende, kakuli

zeo kaufela li lukile, kono niteni konji lilato leli petehile lani haliba mwahala mwani. Kwani kona kone kuli lilato leli petehile. Mi yani kona taba inosi fela ye ka mi konisa kukena mwahala mwani. Yani kona nto inosi fela yekona kupila mwani, ki yona nto inosi fela yeneli teni, mwani. Oh mawi! Ki kuañuliwa. Mulimu, kusikaba kale mutomo wa lifasi.

¹⁰² Cwale, halu akufeni, halungeni kauhanyo iliñwi ye luifeze, nihakuli cwalo, haiba ku konahala, mwa mizuzu ye lishumi yetatama.

Ku yena lu ezizwe baba ka yola sanda... (Lu yola sikamañi? Bupilo Bobusafeli)... kakuli ne lu leliñwe... .

Cwani? Kana mañi ni mañi kaufela mwa utwisisa seo? Kana mu bizize ku Mulimu? Batili, Mulimu ki yena yana mi bizize. Batu babañwi ba bulanga kuli, “Oh, Ne ni batile Mulimu, ni kubata Mulimu.”

Nemusika mu bata. Hakuna mutu yakona kubata Mulimu. Ki Mulimu ya batanga mutu. Jesu naize, “Hakuna mutu yakona kutaha ku Na konji kuli Pili Ndate amubize.” Mwabona, ki sibupeho sa mutu kumata kuzwa ku Mulimu. Mi mubulela cwale... .

¹⁰³ Sani, sani kona se si ni bilaeza, niteñi, kwa ku kutaza ku mina sicaba; musike mwa siyala mwa buino bo buswana bo mupepilwe kubona, mucince cwale! Mu ni utwe ha Ni bulela kuli, KISONA SA BULELA MULENA. Nali kuba ni ipize se, Ha ni ya cwalo. Kono mina mu ni biza kuli mupolofita wa mina, kamba mupolofita. Lifasi li lumela cwalo, lifasi le li lubeile mwahali, ma milioni ni ma milioni ni ma milioni a batu. Ni bulezi patalaza ni kukekuluha kwa lishumi—lishumi kamba twelufu ya ma milioni a batu, kamba kufitelela, kubulela fela patalaza. Ni boni mashumi a likitikiti za lipono ni lisupo ni ze komokisa, mi hakuna nihaiba iliñwi ya zona ye palezwi. Mi yeo ki niti. U ni bulelezi lika ze si ka palelwa kuezahala ona cwalo. Ni ka biza mutu kuli ani swabise ka zeo. Yeo ki niti. Ha ni ipapati kuba mupolofita, kono mwa ni teezeza.

¹⁰⁴ KISONA SA BULELA MULENA, sika nga lilato leli petehile fa ku mibeya mwa sibaka sani, kakuli ona zeo fela kona ze ne liteni kwani. Hakuna taba kamba ki sikamañi mulatiwa, kamba ki liponahazo ze kuma kai za bulapeli, ki likezo zende zekai zo ezize kamba kaufela so ezize, seo hasina kubaliwa mwa lizazi lani. Si kanga lilato le li petehile. Kona kuli kaufela so eza, ubeye fela kwatuko lika zeñwi kaufela kufitela utazwa ka lilato la Mulimu kufitela ukona kulata baba ku toile.

¹⁰⁵ Ni ba mo Ni bulelezi kakusasana kacenu, Ne ni bupilwe, sibupeho saka kaufela ki sishemo. Batu babañata ba bulela kuli, “Cwale, ni ñwaye mwa mukokoto Nina ni ka ku ñwaya mwa mukokoto. Eehe, uni ezeze sika mi kipeto nina Ni ka kuezeza sika.” Sani ha ki sishemo. Sishemo ki kuli, haiba mukokoto

wa hao wa yuwa, Ni ka u ñwaya hakuna taba, kamba uka ni ñwaya kamba nee; u ni bakule kwa sifateho, ni kubulela kuli “mukokoto waka wa yuwa, kamba, utokwa kuñwaiwa,” Ni ka kuñwaya. Mwabona? Kona cwalo, eza sesiñwi. Ha ni lumeli mwa misebezi. Ni lumela kuli misebezi ki lilato. Misebezi ki—misebezi ki ponahazo yakuli sishemo single sibaka. Ha ni pili ka kusepahala ku musalaka bakeñisa kusaba kuli uka Ni hana haiba Ni sa pili cwalo, Ni pila ka kusepahala ku yena kakuli Na mu lata.

¹⁰⁶ Hani kutaza Evangeli kakuli Ni nahana kuli Ni ka ya kwa lihele ha Ni sa kutazi, Ni kutaza Evangeli kakuli Na mu lata. Kaniti. Mu nahana kuli Ne ni ka silanga mawate a mandinda ani, ni lifuali zani ze nyungana kwapata ni kwa mulaho, ni mamonyi inge a monyeha kwa ni kwa, ni—ni zeñwi kaufela, mane ni muzuzu ufi kaufela . . . mi mutu ni mutu inge a huwa, kuli “Lumela Maria” inge lu tundana mwa fulai cwalo, ni lika kaufela? Batu bani inge ba zukuzeha mwa makanda a lipula za fulai ani, mi mufufisi wa fulai inga bulela kuli, “Mafula a siyezi akwana fela mizuzu ye lishumi ka yeketalizoho kipeto, halu zibi kuli lu kai.” Kana mu nahana kuli Ne ni ka eza zani—zani ka kulata fela lisheha la kueza cwalo? Huh! Mu nahana kuli Ne ni ka kutela kwa mulaho kwani mwa mushitu ko masole ba si German neba ni beya mazoho sina *cwana* busihu ni busihu ni ku ni kenya mwahala ni ku ni zuseza fande a mukopano, kufitela Moya o Kenile ukala kueza limakazo? Ba swalisano inge ba tomile libaka za busihu, kuli ba ni kunupe nisali kwahule. Munahana kuli Ne ni ka eza cwalo ka lisheha fela? Kakuli sesiñwi mwahali kuna sa lata; bani ki batu ba na shwezi Kreste. Paulusi naize, “Na ha ni bati fela kuya kwa Jerusalema, kono Ni ya kwani ku yo takiswa. Ni ya kwa ku shwa. Ni ya kwani ku yo shwela libaka za Mulena.” Ki sika sesiñwi, lilato le li mi hapeleza, kona le li mi eziza cwalo. Yeo ki niti luli.

¹⁰⁷ Haiba Ni kutaza Evangeli ka masheleñi, haiba neku kaba cwalo, Ne ni sike naba ni sikoloti sa ma dollar alikana twenti sauzande busihu bo, Ne ni sike naba mwa likoloti cwana. Batili, sha. Kakuli Ne ni ka hana amañwi a—amañwi a ma milioni akile afiwa kuna. Muuna yomuñwi, muuna yomuñwi na lumile babeleki ba F.B.I. ni mali akuma fa wani milioni-faifi-handeleti-sauzande-dollar fa pampili. Mi se Nili, “Kuta ni yona.” Ha ki za masheleñi! Ha ki masheleñi. Ha ni kutalezi Evangeli. Ha ki ka zeo!

¹⁰⁸ Ki bakeñisa lilato. Nto ye Ni bata kueza, kikuli, ha Ni ka sila mwabuse bwa bupilo bwani, ikona kuba mizuzu iketalizoho kuzwa cwale, ikona kuba mwa lihola zepeli kuzwa cwale, ikona kuba lilimo ze mashumi aketalizoho kuzwa cwale, Hani zibi kuli ikaba lili. Kono haiba li ezahala, Ha ni fita kwani, Ni bata ku yo mibona mwa kutiya kwa bunca, inge mumata, ni kuhuwa, “Muzwale waka yomunde! Muzwale waka!” Seo kona se sili

mwa pilu yaka. Kona libaka leo. Ha ni liki kukanana ni mina kuli nibe—nibe ya shutana, kono Ni lika ku mibeya fa musipili olibile ku ze lukile. Yani kona nzila ya kukena ka yona. Ha ki keleke ya henu, ha ki kopano ya henu, kono ki kupepwa kwa mina ku Kreste. Oh, mawi. Whew!

Ku yena . . . lu ezizwe baba ka yola . . . sanda, kakuli ne lu leliuwe pili ka mulelo wa hae yena ya sebeza linto kamukana ka muhupule wa tato ya hae:

¹⁰⁹ Muteezeze. Lu ka kwala mwa mizuzu yelikani fela. Muteezeze ka tokomelo cwale lusika kwala kale.

Kuli ka luna kulumbwe kanya ya hae, luna lusepile Kreste . . . pili.

Ku yena ye lu sepile, . . .

¹¹⁰ Mutalime se cwale, katokomelo. Mutine libaki za mina, libaki za Evangeli. Mu kwalule lizebe za mina, muteezeze ka tokomelo. Ni inzi fa timana ya 13.

Yena yo muinzi ku yena, haisamba muutwa . . .

“Tumelo itaha ka . . .” [Kopano ili, “Kuutwa.”—Mu.] “kuutwa li . . .” [“Linzwi.”] “Linzwi la . . .” [“Mulimu.”]

. . . haisamba mu utwa linzwi la niti, . . .

¹¹¹ Niti ki sikamañi? Linzwi la Mulimu. Kana ki niti yeo? Joani 17:17, mina babasweli kuñola Mañolo, Jesu naize, “Uba kenise, Ndate, ka Niti. Linzwi la Hao kona Niti.”

. . . haisamba muutwa linzwi la niti, yona evangeli ya kupiliswa kwa mina: . . .

¹¹² Puluso yana lika kuba bulelela neli yecwani? Ne ba leliuwe kusikaba kale mutomo wa lifasi (Kana ku cwalo?), kwa kuañuliwa kwa bana, ku lemuhelwa kwa Bupilo Bobusafeli. Cwale, kasamulaho mu mano taha mwa Bupilo Bobusafeli, kasamulaho mu mano piliswa, ku keniswa, kutazwa ka Moya o Kenile, mina mu bana. Cwale Mulimu ubata ku mi beya hande mwa sibaka, oh, ili kuli mubeleke kwa kanya ya Mubuso wa Hae ni kanya ya Hae.

¹¹³ Yeo kona Evangeli. Kakuli, pili, ki kuutwa Linzwi, “Mubake, mi mu kolobezwe ka Libizo la Jesu Kreste kwa swalelo ya libi.” Kutakula libi za mina kaufela, inge mubiza fa Libizo la Mulena Jesu Kreste, kwa Naha ya sepiso. Sepiso iku muzamai kaufela yali fa musipili. Haiba u zwile kwa lapa la hao busihu bo, uli muezalibi, uli, “Ni ka ya kwa Branham Tabernacle,” Mulimu ukufa kolo ye busihu bo. Kuna ni nto iliñwi yeli mwahala hao ni Naha ya sepiso. Naha ya sepiso ki sikamañi? Ki Moya o Kenile. Sene sili mwahala Joshua ni naha ya sepiso neli Jordani. Luli ona cwalo.

¹¹⁴ Mushe, kakuba mufuta wa Kreste, a zamaisa bana kuyo punya mwa naha ya sepiso, mi Mushe na si ka fitisa bana mwa

naha ya sepiso. Joshua ki yena yana isize sicaba mwateni ni kuaba naha. Jesu na lifile tifo, aba isa kwa Moya o Kenile. Mulimu na lumile Moya o Kenile fafasi mi A beya keleke hande mwa sibaka mwa sikuka hande, mutu ni mutu, ku mu taza ka Kubateni kwa Sibupeho sa Hae. Mwabona se Ni talusa? Kaufela li ku Kreste Jesu, ka mo Mulimu na lelile ze kwa pizo ya Evangeli ye!

115 Paulusi, Magalata 1:8, naize, “Haiba Lingeloi litaha ku to kutaza nto isili fela, leo libe anatema.” Niti ki, yona Evangeli. Cwale muteeleze ka tokomelo halunze luzwelapili kubala, kufeze timana.

*. . . evangeli ya kupiliswa kwa mina: ku yena hape . . .
(muteeleze ka tokomelo) . . . mi hape hamuse mulumezi
ku yena, mu swailwe nombolo ka Moya o Kenile o
sepisizwe batu,*

116 Mwa mazazi a maungulo, Bibebe ibulezi kuli, cwale mutalimele, mwa mazazi a maungulo ku kaba likwata zepeli za batu. Sesiñwi sa zona sikaba ni Liswayo la Mulimu, haili sesiñwi kwateni sikaba ni nombolo ya sibatana. Kana ku cwalo? Ki ka bakai baba ziba cwalo? Kihande, haiba Liswayo la Mulimu ki Liswayo la . . . Haiba Liswayo la Mulimu ki Moya o Kenile, kona kuli hakusina Moya o Kenile kuna ni nombolo ya sibatana. Mi Bibebe ibulezi kuli mioya yemibeli ikaba bukafu hahulu hamoho mane ipume nibona ba Baketilwe haiba ku konahala. Halina ku ezahala, kakuli ne ba ketezwi kwa Bupilo Bobusafeli. Mwabona?

117 Kuya kwa keleke, kuswana fela ni kuziba kuli nekuna ni basizana baba lishumi bene bailo katanyeza Mulena, kaufela bona ne ba kenisizwe, kaufela neba kenile, mañi ni mañi wa bona ba kenisizwe. Baba ketalizoho neba sa sizazina mane malambi a bona atima. Baba ketalizoho nebana ni oli mwa malambi a bona. “Mi, amubone Munyali ki yo ufatile!” Mi baba ketalizoho bene bana ni oli mwa malambi a bona bakena mwa Mulalelo wa Linyalo. Mi babañwi ba siyala kwande kone kuna ni lililo ni likweca meno. Mu itukise, kakuli hamuzibi muzuzu wat aha Mulena ka ona. Mube . . . Kana oli iyemela sikamañi mwa Bibebe? Moya o Kenile.

118 Cwale ku mina kacenu, mina ba Tumelo ya lizazi la Sabata la busebene baba bulela kuli lizazi la busebene noka Liswayo la Mulimu, mu apule Liñolo lililiñwi kuli mupake cwalo. Bibebe ibulezi kuli Liswayo la Mulimu ki Moya o Kenile. Mutalime se. “Ili . . .” Mutalime timana ya 13 cwale.

*. . . mi hape hamuse mulumezi ku yena, mu swailwe
nombolo ka—ka Moya o kenile o sepisizwe batu.*

119 Muapule mwa Maefese 4:30, Ni lumela kuli ki yona. Lubone haiba haluna kuifumana fa 4:30, lubone haiba ye haiswani. Maefese, kauhanyo ya 4 timana ya 30. Eehe, ki ye fa, 4:30.

*Musike mwa swabisa Moya o kenile wa Mulimu,
o muswailwe nombolo ka ona bakeñisa lizazi la
kuliululwa kwa mina.*

¹²⁰ Kuisa lili? Haiba luli, luli mu amuhezi Moya o Kenile, Una ni kuina nako yekuma kai? Kufitela ancafazo yetatama, kufitela bokuku babasali basila mwa nzila ya hao, kufitela mulena hao kwa musebezi a ku omanya? Kufitela lizazi la kuliululwa kwa mina! Haleluya!

¹²¹ Kamusalaho mu sa shwa, kasamulaho mumano silela mwa Naha yani, kuli muyemi kwani ni balatiwa ba mina, mu sa talizwe ka Moya o Kenile. Mañolo! Mu inzi fela sina mu muinezi ona cwale, fela muna . . . muse mukeni mwa mubili usili. Mu cincize fela mandu. Ye kwateni imi supalezi, hamukoni kukwahela mubu ku ona hape, mabala akabe a bolile. Yeo ki niti. Kacwalo mu fetuha fela kuzwa kwa sika sa kale ni kusituhela kuli sibole, ni ku shimbulukela ku o munca. Kana ku cwalo? “Kakuli tabernakele ya lifasi ye haika sinyeha, luna ni o libelezi.”

¹²² Mwa hupula zazi leliñwi, ha ne lufitile ku zona? Mbututu hasweli ku bupiwa mwa mba ya mahe, mi ni mata amanyinyani inge a lahaka ni kutulaka ni kuzwelapili cwalo. Kono mahe asa mu puluha fela ni ku mu tisa mwa lifasi, taba yapili, kuna ni mubili wa moya oka swala mubili wa nama wani. Mwendi dokota uka mubakula . . . [Muzwale Branham ukambela mazoho a hae hamoho—Mu.] sina *cwalo*, kamba nto yeñwi ya ku mu nyangumuna, mi kipeto “wha, wha, wha.” Mi kipeto kapili uhumalela lizwele la mahe, “um, um, um,” inza shenyisa toho ya hae mwahalimu ni fafasi kwa lizwele la mahe, kuli misinga ya mabisi yani itise mabisi.

¹²³ Nkomwana ya mwana, isa wela fela fafasi kuzwa ku maa yona, ika nanuha kuitusisa mañwele a yona kamusalaho wa mizuzu fela yelikani. Ika eza sikamañi? Ika zamaya kukutela kwa mulaho, iswale maa yona yani, ni kukala kunyanganyisa toho ya yona yenyinyani mwahalimu ni fafasi cwalo, ni kufumana mabisi a yona. Haleluya! Eeni, sha.

¹²⁴ Mi mubili wa nama wo haukena ku yena, kuna ni mubili wa moya o mu libelezi.

¹²⁵ Mi cwale mubili wa nama wo ha uwela fafasi, haleluya, kuna ni o libelezi mwabuse! Lu shimbuluka fela kuzwa ku wo kukena ku omuñwi, lu cinca libaka za ko lupila. Mubili o shwa wo una ni kuapala o sa shwi, wo wa moya; se si bola se siapale se si saboli. Mubili wa kale otezi mañonde, o katezi, o obami wo, kono hauna kucinca mubonahalelo wa ona nihanyinyani, Ni talusa kuli hauka silela mwabuse, mu ka ba ni moya o swana.

¹²⁶ Halu boneñi ni mife nto yenyinyani ye ka mi kaya, kono ki Bibebe, mi kona Ni ka mifa iliñwi ye ka mi bofulula. Mutalime nto ye. Fani Saule wa kale, yanali—yanali mulena, yena—yena

muuna muhulu, mukutazi yomutuna wa kopano kwani ka nako yani, mwa ziba, yana nani toho ni maheta fahalimwa bona kaufela, mi na sa saba, nekusina sene ba ziba ka za Buipiteli. Davida nana ni kutaha ku to lamulela ngunyana mwa mulomo wa tau, abulaya Goliati. Mu mutalime. Naile kwahule hahulu ni Mulimu, akala kutoya mupikuluhi ya kenile wa mukutazi yani. Mi kufita kuli amu yemele, kuli alike ku mutusa, a mu lwanisa. Haiba seo hakisona siswaniso luli, luli kona siswaniso. A musiya azwa ku yena!

127 Ki ba bakai bene baliteni ha Ni funduka musipili waka wapili, ku yo kutaza kaza, “Davida ha bulaya Goliati,” ha Ni funduka? Babañata, babañwi, babalikani ba sicaba sa bakale. Ni libelezi ku ya ka ye hape. Muhupule seo, mwabona sene sitile la Sunda yefelile? Ki kukena mwa kalulo yeñwi. Musipili wa bubeli wa Davida, kalulo ya bubeli ya bulumiwa bwa hae. Yeo ki niti. Mane, kasamulaho atoba mulena wa Isilaele. Mulemuhe bulumiwa cwale buya bupahamela mwa kalulo yetuna, butaha mwa butuna. Kona mwa na ezelize Davida. Ni lemuh se hanza taha, Davida, oh, fani Mulimu hana na ni Davida kuli azwele kwani mi ayo bulaya tau, mulemuhe, ni ku to bulaya bere, kasamulaho ayo bulaya Mufilisita. Cwale, kwa taha nako fo Mulimu hana file moya o maswe ku ndate tuna yo. Mi ka . . . Kwa sikamañi? Kuli atoye Davida. Mi Na lumela . . .

128 Cwale, matepu aa. Cwale muteeleze, mizwale, mina babali kwa matepu, haiba mupalelwa ku lumelalana ni na, muni swalele. Mwabona, Na mi lata. Ni ka mi katana mwabuse kwani nihakuli cwalo, mwabona, kakuli haiba u muuna wa Mulimu Ni ka ku katana nihakuli cwalo. Kono, Ni bata kubulela kuli, leo kona libaka. Bakeñisa fela kuli Saule na boni kuli Davida nana ni sana sina yena. Kona kuli ki sikamañi sene si ezahalile?

129 Yo munyinyani “yomufubelu,” ya obami, Bibele ibulezi kuli nali “yomufubelu.” Yani ne si mwana ya buheha kwa bunde, “yomufubelu” ki mushimani fela ya obami fela cwalo. Mi a zwela kwande kwani, mi Saule, kupalañi, amu tinisa sapalo sa ndwa sa Saule, mi Na akaleza kuli tebe ne ifita ni kwa mahutu a hae. Mi ki hali, “Aku ni tubule libyana ze. Ni—Ni be . . .” Mwendu na mu file digiri ya dokota, ya Ph.D. ya L.L.D., ya nto yeñwi, mwa ziba. Mwa na bulelezi kuli, “Hakuna se ni ziba ka lika zani, kakuli Ha ni si ka libonahalisa. Haluboneñi nibe ni se, se Ni ziba se Ni eza ka sona.” Eeni, sha. Na ngile kafwililo.

130 Mi ba halifisa Davida kakuli basizana, ili likeleke, likeleke ne li sweli kuopela kuli, “Saule, u bulaile likitikiti za hae, kono Davida u bulaile mashumi alikiti kiti.”

131 Mi abifa ka lunya, “Ki yena Jesu wa kale yani’ Libizo lateni, hakuna sesili ku Zona.” Yeo ki niti. Mi ki sikamañi sana mu ezelize Mulimu? Mulimu aluma moya o maswe ku yena, kuli atoye Davida, mi atoya Davida kusina mulatu.

¹³² Davida na ka hamula mulala wa hae fa ni fa. Na ka eza cwalo, kono na itulezi fela. Yena na si ka bulela nihaiba sika. Luli na ka eza cwalo. Na ile teñi mi ayo puma muhata wa koti ya hae, busihu bobuñwi, akuta, ali, “Talimela kwanu, mwa bona!” Eeni, sha, na ka eza cwalo, kono na mu tuhezi fela. Na ka zwa mwa kopano ya hae ni ku mu shandaula, ni kukalisa kopano ya hae fela haiba na ka lata cwalo. Kono na si ka eza cwalo, na tuhelezi fela Saule kuya ona cwalo. Kutuhelela Mulimu kuli a lwane. Eeni, sha.

¹³³ Konakuli ha naile cwalo mi kasamulaho wa musebezi ufela, ni kuzwelapili ona cwalo, moya o maswe wani no keni hahulu ku Saule kufitela apalelwa kuamuhela kalabo yezwa ku Mulimu. Kasamulaho nyana a . . . mi Moya wa Mulena wa zwa ku yena. Mi Samuele wa kale yani, yena yene ba hanile, yena luli yanali Linzwi la Mulimu ku bona, yena yana bulezi ku bona kuli ne baeza sina lifasi.

¹³⁴ Kana keleke ibata cwani kueza sina lifasi? Kiñi Mapentekota kanti, haba kolobezwa, wa Methodist yatezi Moya o Kenile, ni wa Baptist, ni wa Presbyterian ubata kueza sina lifasi? Kiñi hana eza cwalo? Ha ni zibi. Hani—Hani koni fela ku li utwisisa. Mu li, “Kihande, ki nto yetabisa hahulu kubapala mulabalaba, ki lisheha nyana fela, kuba ni kapene nyana kihona,” kamba mu li biza cwani kaufela. Ki sibi. Hamu lukeli kuba ni lika zeo mwa mandu a mina. “Kiñi, hakuna butata nyana fa kuba, ni ka komoki nyana ka bucwala. Luna ni fela ze likani. Na ni musala ka lwabanga ni totulikani mwa musihali.” Mi nto yapili mwa ziba, bana ba mina bana ni totu likani. Luli ku cwalo.

¹³⁵ Mi mina basali, hum, diabulosi uezize fela . . . Sani kona sana ezize kwa simuluhó, mi luli ufumani fa libile kunonga mina likezeli. Ueza fela sani ili kuli . . . kakuli wa ziba sakona kueza. Wa kona kupuma musali linako zelikana likiti kapili kufita muuna. Ni ziba kuli seo sa holofaza maikuto a mina, kono yeo ki Niti. Yeo ki niti. Sani kona sa na ezize mwa simu ya Edeni. Wakona kueza . . . Cwale, muslai na sepahala, nali ya sepahala, kono na pumilwe. “Adama na si ka pumiwa,” ki Bibeleye bulezi cwalo. Muuna na si ka pumwa, kono ki musali yana pumilwe. Kona kuli wakona ku mupuma. Mi ibo balisani ba ka zwela kwande mi bayo beya mazoho fa basali kuba eza bakutazi, ku ba beya mwa likopano zecwalo, mi kanti Bibeleye ya li nyaza kuzwa mwa Genese kuisa mwa Sinulo. Mu li, “Kihande, kaufela li lukile. Kaufela li lukile. Bana ni . . . Bakona ku kutaza ka kuswana fela ona cwalo.” Ni ziba kuli zeo li lukile.

¹³⁶ Sina mutu ya na kalile kubulela ka malimi ka nako, Ne ni zwezi fela kukutaza. Mi ha Ni zwela fande, musali abulelela mwanaka wa mushimani, ali, “Nina ni liñusa la kufa kamuso busihu,” ali, “bo Ndataho ha ba ka taha fa katala.”

Ali, “Kihande, Ima, ki sikamañi so talusa?”

137 Mi busihu bwani ha bu fita, hane Ni itukisa kuli ni bizeze sicaba kwa katala, na kamunile milili ya hae ka bukwala ni kuhoha masokisi a hae mwahalimu ni lika kaufela, nali ya itukisize luli, atulela mwahala sibaka sani ni kukala kutulaka mwahalimu ni fafasi, abulela ka malimi ni kupolofita. Na zwelapili fela ku kutaza, na bizeza sicaba kwa katala. Kakuli Ne ni si ka li kuteka zani nihanyinyani, ne li si ka luka. Kacwalo he, kihande, Bibehe haisika bulela cwalo, iize, “Mo—mo Moya wa bapolofita uipa kuutwela mupolofita.” Mulimu uinzi fa. . . Mulimu hasweli kubulela fa katala, mu Mu siye abulele. Paulusi na bulezi cwalo, “Haiba kuna ni se si patululwa ku yomuñwi, yo akuze kufitela yatatama a feza.” Yeo ki niti.

138 Cwale, mi cwale ha Ni zwela fande, sicaba se sali, sicaba sesiñata luli, bali, “U filikanyize Moya o Kenile busihu bo.”

Se nili, “Ni ezize sikamañi? Ki sikamañi se Ni ezize?”

139 Bali, “Kihande, fani kezeli yani hana sweli kufa liñusa lani, haleluya, hana bulela cwalo.”

“Kiñi,” Se nili, “Ne ni sweli kukutaza. Na zwile mwa mulao.”

140 “Oh,” bali, “sani neli se sinca kuzwelela kwa Lubona. Sani ki se sinca hahulu kufita zo no kutaza.” Uh!

141 Cwale, seo sibonisa fela. . . seo sibonisa fela cwana, mi Ni bulela cwalo kwa likute la mina, ikona kuba kutakana, kamba kutokwa likute, kamba ikona kuluta sitimbi tuto se sis a zibi za Mulimu inge shakame mo isa zibeli kutina makatulo a kutina mwa litwa. Cwale, seo, ha Ni buleli cwalo ka kuba pu—pu pulelo ya bukuba, kakuli se ha ki sibaka sa kuezeza lisheha. Kono yeo—yeo ki niti. Mutu yakona kuziba kuli Mulimu ha ki mukalisi wa kulyangana. Yena ki wa kozo. Bibehe ha ba izibi. Se ne ba ziba fela kueza ki kutulaka mwahalimu ni fafasi, kubulela ka malimi, kuli, “Nina ni Moya o Kenile. Haleluya!”

142 Ni yemi ni kubona, mwa Africa, liñaka ni lika zeñwi haba bulela, babaeza likiti ze ketalizoho ka nako; inge batulaka mwahalimu ni fafasi, mali inge abuba kwa lifateho za bona, ba bulela ka malimi, ni kunwela mali mwa katendele ka mutu; inge ba biza diabulosi, ni kubulela ka malimi.

143 Kono niteñi ibo ku bulela ka malimi ki mpo ya Mulimu, kono yeo ha ki ponahazo yesapalelwi yakuli ki Moya o Kenile. Mutuhele ni mi bulelele seo cwale. Ni lumela kuli babakeni kaufela babana ni susumezo bakona kubulela ka malimi. Ni lumela kuli mutu nako yeñwi ha u susumelizwe hahulu ki Mulimu uka bulela ka malimi. Na lumela cwalo. Kono ha Ni lumeli kuli seo ki sisupo kaufela sa kuli una ni Moya o Kenile. Eeni, sha. Ni lumela kuli kuna ni linako hauna ni tumelo, yena mutu, no ka ya ku yo beya mazoho ku mwana yomunyinyani yana ni kansa, kasamulaho bakutazi baba mashumi aketalizoho

bamano mu lapelela, mi na ka foliswa kakuli mahe ubile ni tumelo ka mwana yani. Mulimu umu file ku yena, ki membala wa Mubili wa Kreste. Eeni, sha. Na lumela cwalo. Ni boni sani mi Na ziba kuli ki niti. Kono seo sili sona, ki kubeya keleke mwa sikuka, lubeiwe mwa sikuka ka swanelo kuli lukone kubeleka.

144 Cwale halu fezeñi kalulo ye siyezi ya timana ye lu si kaya kale.

. . . *mi hape hamuse mu amuhezi, mu swailwe nombolo ya Moya o kenile o sepisizwe batu.*

145 “Liswayo!” Liswayo ki sikamañi? Liswayo ki sikamañi? Liswayo ki, nto yapili li bonisa kuli ki musebezi o felile, musebezi o felile. Yetatama libonisa kuli ki buluwi. Mi nto yetatama li bonisa kuli ki silelezo, ku bulukiwa.

146 Lubulele, ka mutala cwana, Ne ni belekanga kwa Njanji ya kwa Pennsylvania, Ne ni belekanga ni bondate kwa njanji. Ne lu longanga limota. Mi ne lu sweli kulonganga libyana mwa kampani ya kupakica ye, ne lu longanga makapa, ni ku pahekanga amañwi fahalimu *fa* ni fafasi *fa*, mi amañwi fahalimu fani neku *le*. Kono pili mota isika swaiwa kale, mutikitibi na tahanga kwateni, ni inyunga *cwalo*, kuinyunga ni *yani* cwalo. “Ah! Kipeto wa nyaza! Li ka lubakeha mwa liemba emba lisika fita kwani. Wa li nyaza! A mu tulukise. Mulonge sinca hape.” Mutikitibi u nyazize mota.

147 Moya o Kenile ki yena Mutikitibi. Uka mi nyunga hanyinyani, kipeto mwa taza lilata. Kana mwa lumela Linzwi la Mulimu kaufela? “Ha ni lumeli Libizo la Jesu’ ni litaba zeo.” Wa li nyaza. Mwa taza lilata, mwabona. “Ha ni lumeli mwa foliso ya Bumulumu kamba hakuna nto yecwalo.” Niteñi mu sa taza lilata. Ha mu li longolole. Kana wa lumela kuli Jesu Kreste ki ya swana maabani. . . “Kihande, ka mukwa omuñwi.” Mwa taza lilata. Wa li lahela kwande, mwabona, ha li si ka itukisa kale. Eeni, sha.

148 Muzwale, kanti seli nako ya kubulela kuli, “Amen!” Kana mu amuhezi Moya o Kenile? “Amen!” Kana lika kaufela li felile? “Amen.” Kona kuli saeza Mutikitibi ki sikamañi? Lika kaufela li longilwe hande mi li tiisizwe, mutezi Evangeli. Oh, Linzwi la Mulimu kaufela ki lelinde. Lika kaufela li petahalile. “Na lumela Linzwi kaufela. Amen! Amen!” Kana mwa lumela kuli Mulimu u sa folisa? “Amen.” Kana mwa lumela kuli Jesu usali ya swana maabani ni kuyakuile? “Amen.” Kana mwa lulema kuli Moya o Kenile u sa li wa niti sina Mo ubezi kamita? “Amen.” Kana mwa lumela kuli Moya o swana o no wezi ku Paulusi kona o wela ni kuluna? “Amen.” Kana mwa limela kuli U eza lika zeswana ku luna sina zo no ezize ku bona? “Amen.” Oh, oh, usweli kuswalana hande cwale. Mwabona, usweli wa swalana hande cwale, lu itukisize kukwala sikwalo. Ku lukile.

149 Mi kipeto mutikitibi u kwala sikwalo. Ki sikamañi sa eza? U beya liswayo fateni. Mi kipeto utaha fafasi fa ni kuswala lipyatiso zenyinyani zani, usutelela kwateni ni ku beya liswayo fateni. Ki hande musike mwa si tibulula. Haiba zona, limota zani, liya kwa Boston, ha si koni ku kwalula. Ikona kuba mulatu omutuna ku kwalula konji pili iyofita kwa Boston. Mi mutu yana ni mata a ku kwalula liswayo lani, ki yena fela anosi yani. Yeo ki niti. Ki ya ba kampani yeñwi ya njanji ya *kuli-kuli*. Ki liswayo la bona. Ki sepo ya bona kuli mota ye ipakicilwe, mota ye ikwanile. Ki ya bona. Ne ba sike babeya “B ni O” fa “Pennsylvania.” Muna ni ku swaiwa, mi kipeto iswaiwe.

150 Mi cwale Mukreste ha pakicilwe hande ka Evangeli, utalizwe ka bunde bwa Mulimu, lika zende kaufela za Mulimu liteni ku yena, ka pilu ye kwaluhile, uitukisize kubeleka, wa lakaza kutomahanyiwa hande mwa sibaka, ueza sika kaufela seo Moya o Kenile u mu bulelela kueza, u zwile mwa lifu ukeni mwa Bupilo, u kenisizwe kuzwa kwa lika kaufela za lifasi, u zamaya mwa Liseli haibile fela Liseli litaha ku yena, wa zamaya kuya kwapili, u itukisize. Kipeto Mulimu wa kwala sikwalo sa lifasi kwa mulaho wa hae, ni ku li lahela kafo hamoho sina cwalo, ni ku mu swaya ka Moya o Kenile wa sepišo. Haleluya! Kufita lili? Konji ha yo fita kwa libile. Isiñi ku mubeya kwande fa njanji ni kukwalula kubona haiba lika kaufela liiketile hande hape. Kaufela liiketile, mulituhela fela ona cwalo. Mutikitibi u li tikitibile kale. Mu swailwe kuisa lili? Kufitela lizazi la kuliululwa kwa mina. Kona butelele bwa musipili o mu swaile ka oba boo.

151 “Kihande, ha mu shwa, konakuli, Muzwale Branham, kucwani he kasamulaho wa kushwa kwa mina, u bulezi kuli usana ni Ona?” Mu na ni Ona kuyakuile. Kana Bupilo bu kalela kai? Fa katala. Ona fani mukabona muluti nyana. Wani kona muluti, ili Liswayo la Moya o Kenile. Kutuha fo ki muluti wa miluti ya miluti, sina mone Ni bulelezi zazi leliñwi. Kono ha ushwa, u zwelapili kuya mwa miluti yani konji hautaha fa mukamo, kuzwa mwa mukamo kutaha kwa kaweluwelu kaka shelauka kaka likani, kuzwa kwa kaweluwelu kutaha kwa kasa, kuzwa kwa kasa kutaha kwa nuka, kuzwa kwa nuka kutaha kwa liwate, mwabona, ya lilato la Mulimu. Wena u mutu fela ya swana.

152 Mutalime kwanu. Muuna muhulu Saule, ya wile mwa tumelo wa kale, na palelwa kufita ku Mulimu, kono niteni na si ka lateha. Kaniti na si ka lateha. Na si mupolofita, kono nazwezi fela fande a za Mulimu. Leo kona libaka, mizwale, Ni iize, “Ha u si ka lateha.” Kacwalo he muhupule, na zwezi kwande fela a tato ya Mulimu, kacwalo he nto ya pili mwa ziba, na—na sa lumeli. Cwale, mwendi Ne ni sa lukeli kubulela cwalo. Ku lukile, Ni zwelapili fela kwa kopano yetabile busihu bo. Kacwalo he, mwa

ziba, mi nto yapili mwa ziba, oh, mawi, mi ki ha . . . Mi aya kwa—kwa Urimu Tummimu.

153 Mwa ziba kuli Urimu ni Tummimu neli sikamañi, neli sapalo sa fa sifuba, yona ephod yana—yana tinanga Aruni. Mi neli kamita, Mulimu kamita ubile Mulimu ya ipitezi ya alaba mwa linzila ze ipitezi. Mi cwale mupolofita ha na polofita, ni ona maseli a kunutu ani haiba na si ka monyeha fa Urimu Tummimu yomutuna yani, na bulela buhata. Haiba muloli na ka bulela tolo ya hae mi ipalela kumonyeha liseli fa Urimu Tummimu fani, Hanina taba kamba neika utwahala cwani yende, neli ya buhata. Yeo ki niti.

154 Mi lu Hanina taba kamba una ni madigiri amakai a bu dokota ni kopano yetuna yo nani, ha u polofita kamba kukutaza, mi haiba ha ki ka Linzwi le, wa puma, muzwale. Una ni . . . Ye kona Urimu Tummimu ya Mulimu. Ha ubulela kuli no si ka lemuhuwa haisamba lifasi litomwa, haiba ku monyeha, kakuli Bibebe ibulezi kuli u cwalo. Ha ubulela kuli ulukela ku kolobezwa ka libizo la “Ndate, Mwana, Moya o Kenile,” haina ku monyeha, kakuli hakuna ni yomukana mwa Bibebe yakile akolobezwa ka nzila yeo. Konji fela ka Libizo la Mulena Jesu. Haina kumonyeha, kona kuli kuna ni se si fosahalile kokuñwi.

155 Kacwalo Urimu Tummimu na sika alaba muuna muhulu Saule, mi napalela nihaiba kuba ni tolo. Na ile kwahule hahulu kufita mane apalelwa kuba ni tolo. Kona kuli mwa ziba sana ezize? Aya kwa muloi wa musali, mi yena muloi wa kale wa musali yo, diabulosi wa kale wa ñaka yani kulo kwani, wa ñaka. Mi ki hali, “Kikuli wakona ku laula?”

156 Musali ali, “Eeni, kono Saule akile abulela kuli u ka bulaya yo kaufela ya laula.”

157 Mi ali, “Ni ka ku sileleza,” na apezi sina mutu ya itamaela fela. Mi ali, “Ni laulele ni ku ni pumbulela alimuñwi kuzwa mwa lifasi la baba shwile atahe fa.” Cwale muteezeze ku se. “U ni pumbulele moya wa Samuele mupolofita.”

158 Mi musali akena kuza—kuza kulaula. Mi, hana lauzi cwalo, awa ka pata, mi ali, “Ni bona milimu ye pumbuka.” Mwabona, nali muhedeni, “milimu,” yemibeli kamba yemilalu ya yona, inge kuli Ndate, Mwana, Moya o Kenile, kamba nto ye cwalo, mwa ziba. Musali ali, musali ali, “Ni bona milimu ye pumbuka.”

159 Ali, “Ni tolokele hande. U bonahala cwani? U bona inge sikamañi?”

160 Ali, “Ki yo musisani mi u apezi kubo fa maheta a hae.” Na si ka cinca, nihanyinyani.

161 Mi ali, “Ki Samuele. Aku mu tise mwa sibaka se, mutise kwanu fapila ka.”

162 Mi mutalimele Samuele ataha fapila Saule, abulela kuli, “Kiñi so ni bizelize, hauboni kuli so bile sila ku Mulimu?” Mi

mutalimele. Isini fela kuli na sali Samuele, na sa bulukile moya wa bupolofita. Abulela kuli ku fosahalile, mutu kaufela abulele kuli ku fosahalile. Ki yona Niti! Na sali mupolofita. Kakuli na bulezi kuli, na polofitele ni kubulela kuli, “Ndwa ika ku bifela kamuso, mi wena ni bana ba hao mu ka shwela mwa ndwa kamuso, mi ka nako ye kamuso u kaba ni na.” Kana ku cwalo? Na sali mupolofita!

Cwale muli, “Oh, kono yani neli fela muloi yana ezize zani.”

¹⁶³ Ku lukile, Ni ka mi bulelela Alimuñwi ya na si muloi. Jesu na ngile Pitrosi, Jakobo, ni Joani, ni kuya kupahama Lilundu la Petuho nako yeñwi, mi na yemi fahalimwa lilundu. Mi, Jesu, Mulimu na sweli kutomahanya Mwana Hae; inge ha Ni lika cwana . . . neni na ni yona busihu bobuñwi ka za, kutomahanya kwa mwana. Mi hane ba ezize cwalo, ba talima kafa ni kafa mi ba bona kuli nekuyemi Mushe ni Elia. Neba sweli kuambola, kuikambota. Nekusina lindembela nyana zesweu zene pepela kwani, kamba malu amasweu amanyinyani, nitaluse, inge a fita kwa ni kwa. Kono neli baana, inge ba bulela. Mushe na pumbekilwe mwa libita lene lisika zibwa ka myaha ye mianda ye ketalizoho ni ye milalu. Mi Elia na sa ile kwa Hae mwa koloi, myaha ye mianda ye ketalizoho. Mi fa nebaliteni sibeli sa bona, neba sa pila sina mone ba belanga kamita, inge ba yemi fani babulela ni Yena A sika ya kale kwa Kalvari. Haleluya! “Kuswaiwa kuiza lizazi la kuliululwa kwa luna!”

¹⁶⁴ Ni ka akufa, mi kipeto lu ka kwala kakuli seli busihu, mi lu ka lapelela bakuli, mwendi ka mizuzu yeketalizoho yesiyezi kihona. Timana ya 14, lubale, haluboneni ni bale ya 13 hape, lu inge, kuba makalelo.

Ku yena yo . . . musepile, haisamba muutwa linzwi la niti, yona evangeli ya kupiliswa kwa mina: . . .

¹⁶⁵ Cwale muhupule, ki puluso mañi yeba nani? Ba neli—ba neli Bakreste ba Maefese. Bona, cwale mutalime, kana mulemuhile Makorinte? Yena kamita na ba bulelela kuli, “Ha Ni taha mwahala mina, yo una ni lulimi, yo una ni lulimi, yo una ni pina, yo una ni sipolofita, yo una . . .” Mwabona, na si ka ba luta sika, kakuli neba itakaleza hahulu se, sani kamba sesiñwi. Sicaba se nesina ni nto iliñwi, kono nebana ni zona mwa sikuka hande. Na si ka luta Makorinte sika ku ze cwalo, nasika ba luta, keleke neisiyo mwa sikuka hande kuli ilute zeo. Cwale, na lutile sicaba se lika zende.

. . . ili, kupiliswa kwa mina: ku yena yo hape haisamba . . . mu lumela, mu swailwe nombolo ya Moya o kenile osepisizwe batu,

Ona ki swalele . . . (oh, ni si ke na fitelela seo) . . . ona ki swalele ya sanda sa luna kufitela . . . nako ye aka liulula ba ituwezi, kuli kulumekwe kanya ya hae.

Whew!

166 Moya o Kenile ki sikamañi? Cwale, mi Ni ka bala ye siyezi ya yona kapili luli haiba muka itiisa kuina ni na kufita foo. Ne luli kai busihu bobuñwi, Muzwale Mike? Kaufela bona kone ba tabezi, oh, lika kaufela neli fela kozo, lani neli lilato le li petehile. Cwale, nako kaufela ha mutaha ku se muna ni kuwa, hanyinyani. Nako kaufela ha mu hata muhato, mutaha bukaufi ka mainci fela. Ha si fita bukaufi ni fa lifasi, muba ni muluti wa muluti wa muluti wa muluti. Cwale, bwani kona buñata bwa Moya o Kenile o munani ku mina. Leo ki lilato. Kono, oh, muba ni linyolwa la sesiñwi.

167 Oh, ha ki kuli sicaba babahulu, batu baba hulile . . . Cwale Ni ka tabela cwani kukutela kwa lilimo ze fifitini hape, mashumi amabeli! Oh, Ne ni ka fa sika kaufela. Ki bunde mañi bo ne si ka ni eza? Nikona kuba wa lilimo ze fifitini kono ni kushwa busihu bo. Ha li zibizwi. Kucwani haiba muna ni lilimo ze fifitini busihu bo, kana muziba cwani kuli bo maa mina ba ka pila, nako yo mu yo fita kwa lapa, kamba nee? Mu ziba cwani kuli muka fita kwa lapa? Kana mu ziba cwani kuli muka pila kamuso haiba muna ni lilimo ze twelufu za kupepwa, mwa buiketo hande bwa mubili? Mwakona kubulaiwa mwa kozi ya fa mu kwakwa, mwa wa ni kushwa, sika kaufela sakona kuezahala ku mina. Luli, mwabona. Hakuna sika kulo fa luli. Kono mu lakaza kuba ni sani. Ki sikamañi seo? Ki Sani kwa Halimu kwani se si mi eza kuba ni linyolwa la sona.

168 Cwale, mukena ku Se, kona kuli muna ni Bupilo Bobusafeli. Cwale ki sikamañi se si ezahala? Ki yona “swalele.”

169 Masheleñi a swalele ki afi fa sika kaufela? Haiba Ni taha ku mina ku to leka mota, Ni li, “Ki bukai mota yeo?”

170 Mu li, “Mota ye, Muzwale Branham, ileka mali akuma fa ma dollar a sili sausande.”

“Ulifa kwateni bukai?”

“Kihande, Ni ka kufa yona ka ma dollar a faifi handeleti.”

171 “Ku lukile, ki ye faifi handeleti dollar. Ni ka—Nika ka ku tiseza ye siyezi nako yeñwi, Ni sa kona fela. U swalele mota.” Na kufa ma dollar a faifi handeleti, yani kona swalele. Kana ku cwalo?

172 Cwale, uswale cwalo, yeo kona “swalele,” ki yona “tifo ya makalelo.”

. . . haisamba mu *swaiwa* ka . . . *Moya wa sepiso*, ka . . .
Moya wa sepiso, . . . haisamba mu *swaiwa* . . .

Ili ona . . .

Ki sikamañi, ki sikamañi Liswayo la sepiso, sepiso ya Moya o Kenile?

Ona ki swalele ya sanda sa luna kufitela . . . nako ye aka liulula ba ituwezi, . . .

173 Ki sikamañi seo? Kona tifo ya makalelo. Mi, muzwale, oh, oh, oh, oh, oh, hakutazi! Haiba nji ye kona tifo ya makalelo, ku kayoba cwani haluka fita kwani kaufela luna! Ku ka yoba cwani? Haiba nji ye kona . . . Haiba nji se se luikola cwale, ni kuba ba batabile hahulu . . . Ni boni baana bahulu ba lilimo ze nainte za kupepwa haba nanuha . . .

174 Ne ni boni mukutazi wa kale yana nanuhile busihu bobuñwi. A zwela kwande, mi ali . . . Sina *cwana*, ataha kuzwa kwa katala. Mi se Nili, “Muuna muhulu yani ki yena ya yo kutaza?”

175 Mi ali, “Kihande, kufuyolwe Mulena.” Muuna yomunsu ya hulile, inge aapezi koti yetuna yetelele ya bakutazi.

176 Se nili, “Kiñi ha ba si ka lumeleza mukutazi yomunyinyani kuli akutaze? Muuna muhulu yani, ukona ku kutaza cwani?”

177 Mi ali, “Kihande,” ki hali, “mizwale,” ki hali, “kacenu Ne ni sweli kuutwa mizwale hane ba kutaza musihali kaufela,” mi ali, “ka zeo Jesu na ezize fa lifasi. Ni ka mi bulelela sa Na ezize mwa Lihalimu.” Ki hali, “Ni ka nga tuto yaka kuzwa mwa Jobo 7:27,” ali, “inge isali kwamulaho kafoo mane kusikaba kale mutomo wa lifasi,” ali, “fani ha Na bulezi kuli linaleli za kakusasana hane liopela hamoho ni bana ba Mulimu inge ba huwa ka tabo.” Akala ona cwalo. Ali, “Mwa ziba cwalo, nekuna ni sene si ezahalile kwani.” Mi ali, “Mwa ziba . . .” Mi akalisa kutisa sene si ezahalile mwa Lihalimu. Ali tisa ka kushetumuka kwa nambwamutalati mwa Kutaha kwa bubeli. Ka yona nako yani, Moya o Kenile wa mu nata. Cwale, ne ba nani ku mutusa ha zwela fande, nana ni myaha ye nainte faifi ya kupepwa. Ubile fela ona *cwalo*, ya obami fela, ni tulili nyana fela kwa matuko, mwa ziba, sina *cwalo*. Azwela kwani mi akala ku kutaza, ali, “Whoopee! Haleluya! Kanya!” Akala kutulaka mwahalimu ni fafasi ona cwalo. Ali, “Oh, hamuna sibaka sesituna kwanu kuli ni kutaza.” Mi a tuluka, kutaha fafasi ona cwalo, katata hana sweli kuya cwalo. Mi ona yeo swalele. Oh!

178 Kana Moya o Kenile ueza sikamañi? Oh, ki se sibaka sesinde, halubone ni bale timana ya 1 ya kauhanyo yetatama. Ni ibale Sha? Kana ku likani? Amubulele kulo, “Amen.” [Kopano ili, “Amen!”—Mu.] Ku lukile, timana ya 1 ya kauhanyo ya 2, kapili. Muteeleze. “Mina bene bali . . . mina . . .”

Mi u zusize ni mina, mina bane mu . . . shwile mwa milatu ni mwa libi za mina:

179 “Mi U zusize ni mina.” Kana *kuzusa* ku talusañi? “Kutiswa kwa bupilo.” Ne se ba shwile, kono U mi zusize ka masheleñi a swalele. Ku kaba cwani ha muka—hamuka amuhela ze mi likani inge li lifilwe kale? Oh! Ki kabakaleo Paulusi, na ngilwe mwa lihalimu la bulalu, ali, “Liito ha li si ka bona kale; zebe haisika utwa kale; kamba nihaiba kuli likene mwahali, mwa lipilu za mutu, seo Mulimu aba bulukezi (mwa libulukelo) baba Mu lata.” Sani sikaba sikamañi! Mu bulelela ka kutala tabo ni kutala kanya!

Whew! Uhm! Mina bane mu shwile mwa milatu ni libi za mina U mi file bupilo ka muluti ni muluti wa miluti. Ku kaba cwani hamuka taha mwa muluti wa miluti kukena mwa muluti, muluti kipeto ukena mwa kasa, kasa ka kena mwa nuka, nuka ikena mwa liwate?

¹⁸⁰ Mi ki sikamañi hase mu liuluzwi, muna ni mubili omu munca, hamu se mukutezi ku mucaha ya cwalo hape, kamba musizana wa sanana, hamusana kushwa ni kamuta? Mi mutalimela fa lifasi, ni kunahana kuli, “Nakona kuikola magilepu ni mezi amañwi a bata, kono, mwa ziba, Ha ni li tokwi kwanu. Kono zazi leliñwi Jesu uka taha, mi mubili wa bungeloi wo, mubili o sa shwi wo o Ni pila ku ona . . .” Hakusana kutaha ka mba ya musali hape, haisana kutaha ka takazo ya foso ni hanyinyani; kono bakeñisa kuli Na pepilwe kusina takazo ya foso, Ni ka zuha kusina zeo, mi Uka bulela zazi leliñwi mi kipeto ba bashwezi ku Kreste ki ha ba ka zuha, mi mubili wani mo ne Ni pila uka zuhela mwa mubili o kanya, mi Ni ka zamaya mi Ni ka bulela, mi Ni ka pila mi Ni ka ikola (haleluya), Ni ka pila mwahala masika a Kuyakuile a sa taha, ka Jesu Kreste Mulena luna. Whew! Ki fo he cwale, muzwale, yeo kona Evangeli!

¹⁸¹ “Kabakaleo Na hape,” Paulusi u bulela fela cwale sesili sona. Ni ka bala ye siyezi ya yona mi kipeto luka lapelela bakuli. “Kuisa kwa liluwo, ye kona swalele yeisa kwa liluwo, ku lumbwe kanya ya Hae.”

*Kabakaleo Ni na haisamba, Ni utwa tumelo ya mina
(Ne ni utwile kuli mu lumezi taba ye, Ni utwile
kuli mulumezi mwa kulemuhiwa kwa pili, Bupilo
Bobusafeli, ni kupiliswa, ni zeñwi cwalo) ku Mulena
Jesu, ni lilato la mina kwa . . . balumeli kaufela,*

*Ha ni liseli kuitumela ku mina, ni nze ni mi hupula
mwa milapelo ya ka;*

*Kuli Mulimu wa Mulena luna Jesu Kreste, Ndate muña
kanya, amife moya wa kutalifa ni wa kupatululelwa . . .
kupatululelwa za hae: Ki kuzwelapili fela kuipatulula
Iliyena ka nako kaufela, kuhula kuzwa kwa sishemo
kutaha kwa sishemo, kuzwa kwa mata kutaha kwa
mata, kanya kutaha kwa kanya. Isiñi kuwela mwa
mulaho; mi, kono kuzwa kwa kanya kutaha kwa kanya,
kuzwelapili kuya kwapili. Ni kana ni mi lapelela.*

Meto a—meto a kutwisiso ya mina . . .

¹⁸² Hum! Mwa ziba, mwa Bibebe kubulezwi kuli u si bofu mi ha uzibi. Kono fa Paulusi uize, “Ni ka lapela kuli meto a mina a kutwisiso . . .” Mu utwisisa ka pilu ya mina. Sani kona sa bulela fateni. Mu talima ka liito la mina, kono mubona ka pilu ya mina. Mwa ziba cwalo. Ku lukile. “Kuli Mulimu wa Kanya . . .” Halu boneñi, ki—ki timana ya 18.

Atonise meto a mina, kuli muzibe sepo yeinzi mwa kubizwa ki yena, ni bufumu bwa . . . kanya ya sanda se ba ka yola ba bakenile,

Hape muzibe butuna bo bu sa likanyiswi bwa mata a hae ku luna balumeli. . . (whew! Babulela kuli mata a felile? Mata ha si ka fita kale mane) . . . balumeli, ka ze sebezwa ki mata,

Mina baba lumezi mwa kusebeza kwa mata a Hae a matuna, Ni lapela fela kuli Mulimu asululele fela mata a Hae fahalimwa mina. Mwabona?

U sebelize ka ona ku Kreste, ka ku mzusa kwa—ku mu zusa kwa bafu, mi amu inisa ku la bulyo la hae mwa . . . libaka za mahalimu,

Fahalimwa a . . . bunduna kaufela, . . . ni puso, . . . ni mata, . . . ni bulena, ni mabizo kaufela aka bizwa, . . .

183 Oh, oh, oh! Kakuli- . . . Hakuna, mbweshwa Ni sike. Neluka tanda busihu kaufela ku sona seo.

. . . ni mabizo kaufela a ka bizwa, isiñi mwa lifasi le fela, kono ni mwa lifasi le li sa taha:

184 Kana kaufela ki sikamañi—kikuli libizo kaufela kona sikamañi? Libizo kaufela la mutu kaufela likaba ni Libizo la sikamañi? [Kopano ili, “Jesu.”—Mu.] Lihalimu kaufela li bizwa ka libizo la Jesu. Keleke kaufela ibizwa ka libizo la Jesu. Lika kaufela li bizwa ka libizo la Jesu, kakuli kona Libizo fela linosi leo Mulimu akile aba ni lona. U bizwa kuli Jehova; Jehova-jaire, ki Sitabelo sa file Mulena; Jehova-rafa, Mulena ya ku folisa; Jehova, Mulena ki mubakweli, Manasse; ni Jehova, bo Jehova baba shutana. U bizwa Naleli ya Kakusasana. U bizwa Ndate, U bizwa Mwana, U bizwa Moya o Kenile. U bizwa Alfa, U bizwa Omega. U bizwa Simuluho, U bizwa Mafelelezo. U bizwa Mutai. Oh, U bizwa . . . Yena ubizwa fela ka malumbatina a mifuta kaufela, kono Na na ni Libizo li liliñwi.

185 Sani kona sa ba bulela Mateu, ha Na ize, “Muye cwale mulute macaba kaufela, mu ba kolobeze ka Libizo,” isiñi ka mabizo, “ka Libizo la Ndate, Mwana, ni Moya o Kenile.” Ndate ha ki libizo, Mwana ha ki libizo, Moya o Kenile ha ki libizo. Ki lilumbatina kwa Libizo. Ki Libizo la la milelo ye milalu le lili la Mulimu alimuñwi yani. Libizo la Hae neli sikamañi? Lingeloi ne li bulezi kuli, “U ka Mu beya libizo lakuli . . .” [Kopano ili, “Jesu.”—Mu.] “kakuli Uka pilisa sicaba sa Hae kwa libi za sona.” Lani kona libaka kaufela bona ha ne ba kolobelizwe cwalo mwa Bibebe. Cwalo kona Muhalalehi Augustine mwa na kolobelelize Mulena wa kwa England, ka—ka lilimo ze mwanda ni ze ketalizoho, lilimo ze minada yemibeli kasamulaho wa lifu la Kreste, ka Libizi la Jesu Kreste. Ku lukile.

Fahalimwa . . . bunduna kaufela, . . . ni puso, . . . ni mata, . . . ni bulena, kuli—kuli mabizo kaufela aka bizwa, isiñi mwa lifasi le fela, kono hape ni ku le li sa taha:

Mi ubeile linto kaufela mwatasa mahutu a hae, hape u mufile kuli fahalimwa linto kamukana ibe yena toho ya keleke,

Yeli mubili wa hae, . . .

¹⁸⁶ Cwale, haiba mubili waka una ni mata fahalimwa lika kaufela, konakuli seo mubili waka uli sona kona se Ni li sona. Kana ku cwalo? Sani kona se Ni li sona, seo kona se mu ni ziba kuba sona. Kana ku cwalo nji? Kihande, he, kaufela za nali zona Mulimu, Na li sululezi ku Jesu, kakuli Na li yena mutalelela wa Toho ya bumulimu ka mubili. Kana ku cwalo? Mi kaufela sanali sona Jesu, Na li sululezi mwa Keleke, “Lika ze Ni eza ze, mu ka lieza lika ze kaufela. Mane zetuna ni kufita ze muka lieza, kakuli Ni ya ku Ndate.”

Ili ona mubili wa hae, mutalelela wa hae otala linto kamukana mwahala lika kamukana.

¹⁸⁷ Oh, mo Ni latela sani! Mo Ni latela sani! Ne ni sweli kubala zazi leliñwi ka buka yene ñozwi ka za musipili o ne Ni ile ku mukutazi—mukutazi mwa Africa. Nali kuba ni ibale fateni. Ki ba bakai babakile ba bala buka yatani, *Mupolofita Upotela Africa?* Mwatani mwani Ne ni sweli kutalimela mushimani wa mu Indian. Ki ba bakai baba boni fateni siswaniso sani?

¹⁸⁸ Ne ni utwile mubuleli cwana, yana sweli kulapelela bakuli mwendi ka lilimo se lishumi ni ze ketalizoho kamba zeñata cwalo, ki hali, “Nali kuba ni bone fateni makazo ye ezwa mwa bupilo bwaka.” Mi ali, “Ni boni sicaba sene si bulela kuli sikula toho, mi sa fola. Ni boni batu baba bulela kuli nebana ni kunyapa mwa mba, haba foliswa, ni zeñwi cwalo. Kono haili makazo, ki sika se si ezizwe mi si bupa sika sesiñwi . . .”

¹⁸⁹ Na hupula kuli mushimani na yemi fani ni kubona sani. Mahutu a mushimani wa si Indian yani neli amatuna *cwalo*, leliñwi la ona. Leliñwi neli lihutu le li iketile inge lihutu fela la mutu. Mi, haiba mulemuha, mulamu wa hae, nekuna ni likatulo la hae ka mainci a fotini kamba a fifitini mwahalimu cwana, sina cwana. Nana ni lisito la sipi kwatasi a yona. Likatulo la hae ne li yemi fahalimwa mahatelo a matelele hana yemi. Ataha fo ne Ni yemi, ba mu tisa fahalimu fani. Nana ni milamu yemibeli. Anga likatulo la sipi lelituna le ni ku lihatisa fafasi sina cwana. Na talima fa lihutu la hae, neli le lituna *cwalo*.

¹⁹⁰ Cwale, sicaba sani ki ba Mohammedan, ba Mohammedan. Kana mwa hupula Sunda yefelile hane Ni mi balezi sene si ñozwi mwa mitende? Nina ni sona fa na kasibili, kuzwa mwa Africa, ne li lumezwi kuna ki mubuleli ha lu yo kuta, Muzwale Stricker. Kuna ni pampili ka mwa na li yemela Billy Graham ka zona. Kiniti. Neba tuhezi kuli ba Mohammedan ba ba kasheze mwa

liwate. Ki butata mañi? Babuleli ba linzwi bazwa mwa masimu. Ki tuso mañi ya kuina nako yetelele, ba shapilwe fela.

¹⁹¹ Na mulata Billy Graham, mi ni sepa kuli ki muuna wa Mulimu yomunde. Kono sa na lukela kueza ku Billy Graham, ali, “Libelela fa muzuzu. . .” haiba babañwi ba bakutazi ba ma Baptist baba omelezi milala hane ba ka ba tuhelela kueza cwalo, Ni lumela kuli na ka eza. Ni lumela kuli Billy Graham ki muuna wa Mulimu. Kono haiba na ka bulela kuli, “Libelela fa muzuzu! Na ni mukutazi wa Evangeli. Mwa lumela mwa Testamente ya Kale, mi mu bulela kuli Jesu na si sika kono neli fela mutu. Ni mi swabisa kuli mutahe lu buhisane.” Ha ni lumeli mwa kuba ni ku kananisana ni diabulosi, batili sha, kono Ne ni ka mu swabisa ona fani, mi ali, “Wena ni Na halu tahe hamoho. Na ni Dokota wa za Bumulumu,” Billy Graham ki Dokota wa za Bumulumu. “Halu boneni ni mi swabise ku se, mi halubone ni mi bonise kuli Jesu nali yena Krete. Cwale, ha li taha ku za foliso ya Bumulumu, Ha ni ipulukezi limpo zani, kono luna ni mizwale babañwi baba nani zona. Cwale, haiba mubata kutisa sicaba sani kwande kwani, haluboneñi ni bize fela alumuñwi wa bona, Oral Roberts kamba mutu yomuñwi, yomuñwi yana ni bulumiwa bo butuna bo bukona kuzwela kwani.” Azwele kwani, mi kipeto mubone se si ezahalile, muli, “Bukreste ha ki se mu nahana kuli kona sona.”

¹⁹² Cwale mañi ni mañi uikutwa kuli u tuhelezwi kakuli na zwezi fande ni ku mu siya. Kakuli, cwale, Ha ni lumeli kuli diabulosi a ku swabise. Ni mu kwezi mati fa sifateho nina sina cwalo, ni kuikela ku mu siya. Yeo ki niti. Kono ha si taha fa sibaka foo. . . Billy naka—naka utwisa Mohammedan yani kuikutwa inge kacwani fela *cwalo*. Na ka nga Bible yani ni kunga Isaya 9:6, ni kubulela kuli, “Ki mañi yana bulelwa kuli, ‘Ku luna lu pepezwi Mwana, ku luna wa Mushimani u filwe?’ Muuna yo neli Mañi? Yo ki Mañi yana bulelwa? Mupolofita yo neli Mañi? Mesia yo neli Mañi yana sa taha? Mu ni bonise fa Na Iponahalize ku Mohammed. ‘Na titikezwi ka bumaswe bwa luna, na holofalezi libi za luna, koto ye lufumani kozo ka yona neiwezi Yena fahalimu, ka miupa ya Hae lwa foliswa.’ Mu ni bonise zona ku Mohammed. Na lilile cwani, ‘Mulimu wa Ka, Mulimu wa Ka, U Ni tuheleziñi? Ba tabile mazoho a Ka ni mahuta a Ka,’ ni zeñwi cwalo? Mu ni bonise ka manzwi a mina, testamente ya mina.” Kiñi, na ka nata Mohammedan yani ha butuku kufitela hana ka palelwa kuziba fa na inzi. Yeo ki niti.

¹⁹³ Kono cwale pampili hane ifetuhile, sani kona se si holofaza, sene si ezize pilu yaka kutula. Ha ne ibulezi mwani kuli, “Kamba Billy na ka kuta mwa mulaho ni kukutela mwa mulaho, kana ba Mohammedan bakona kubulela cwani kuli zeo li fosahalile,” ali, “fani Rev. William Branham kwa Durban, South Africa, neli makazo yesina likañi kasumulaho wa makazo, mata a Bumulumu, fani ba Mohammedan ba bakuma fa teni sauzande

haba wa ka lipata za bona ka nako iliñwi ni kufa bupilo bwa bona ku Jesu Kreste.” Kaniti. Ba ziba ka zona. Bani ba milao ba ziba ka zona. Musike mwa ni bulelela.

¹⁹⁴ Nako yeñwi nekuna ni alimuñwi yana tile ku Jesu, ali, “Rabbi!” Mwa ziba kuli nali Mufarisi. Ali, “Lu ziba kuli Wena u Muluti ya zwa ku Mulimu. Lwa ziba cwalo. Lwa ziba cwalo, kakuli hakuna mutu yana kona kuezza lika zoeza Wena konji Mulimu hali ni yena. Lwa utwisisa. Lwa ziba cwalo. Kono fela ha lukoni ku itumelela cwalo, mwabona, kakuli ha luka eza cwalo, kihande, luka lelekwa mwa keleke ya hesu. Mwabona, luka latehelwa ki litulo za luna.” Mi kacwalo Jesu ali, akala ku mu bulelela kuli uswanela kupepwa sinca.

¹⁹⁵ Ku mushimani wa mu Mohammedan yani, hana yemi fani, ki sani siswaniso sa hae fani. Kamera hanikoni kunapila buhata. Ki yani uyemi fani, lihutu leliñwi ki le li kuswani cwalo (mwendi ka mainci a fotini) kufita leliñwi, inge a yemi fa likatulo la sipi lani. Ali ku yena, Se nili, “Wa bulela Sikuwa nji?”

¹⁹⁶ “Batili, sha.” Ha ni buleli Sikuwa. Mutoloki a bulela, “Ha buleli Sikuwa.”

“Ubile nako yetelele cwani cwalo?” Mutoloki a mu buza.

“Kuzwa ha ni pepwa.”

“Wakona ku shenyisa lihutu neba hanyinyani?”

“Batili, sha.”

“Kana wa lumela ku Jesu Kreste?”

Ali, “Ni mu Mohammedan.”

Se nili, “Kana uka amuhela Jesu Kreste haiba A ku folisa kuli ube hande?”

¹⁹⁷ “Ni ka amuhela Jesu Kreste ka kuba Mupulusi wa ka haiba Ani eza hande.”

¹⁹⁸ “Haiba Uka eza se hande, lihutu lani ha lika kuta kuba inge leliñwi, uka Mu amuhela nji?”

“Ni ka lumela.”

¹⁹⁹ “Kihande, Mulimu, ki sikamañi So ka eza?” Yeo kona nto yetatama; lipuzo kaufela li alabilwe. Muzwale Mike, ani kona maikuto. Ni libelela fela fa muzuzu kuli ni bone sa Na ka bulela. Na talima fani mi na bona mushimani ya cwalo, ku zamaya cwalo, inge kwa matuko a limota sina cwalo. Se nili, “Ki ba bakai ba mina ba Mohammedan baba ka li amuhela? Ki yo fa mushimani wa si Mohammedan, mu mutalime, na mu yemisa fani.” Se nili, “Mina madokota, mubata ku mu talimela? Ki yo ya yemi fa.” Oh, mwa ziba fo muinzi cwale. Mwabona, mwa ziba fo muyemi. Hakuna mutu. . . Ki yani nali fani.

²⁰⁰ Se nili, “Zamaya uye neku le cwana, mwana ka.” Mi ba mutisa, ki yo ataha. (“Ta-lump, ta-lump.”) Se nili, “na bonahala

inge ki mainci a twelufu, fotini bukuswani kwateni. Kubata kulikana sina *cwana*.”

“Eehe.”

201 Se nili, “Kono Jesu Kreste yena Mwana Mulimu wakona ku muela hande. Kikuli mina ba Mohammedan mu ka lumela ni ku Mu amuhela kuba Mupulusi wa mina?”

202 Kuna ni likitikiti za mazoho a mansu ani ananuhile cwalo. “Kihande, Mulena, ye ki yona cwale.” Se nili, “Ndate ya kwa Lihalimu, haiba U kile wa alaba, ni alabe cwale, se ki kwa Kanya ya Hao, se ki sa Hao. Na Ku lapela folisa mushimani yo abe hande.” Se ni mu lapelela cwalo.

203 Se nili, “Tubula likatulo la hao.” Ani talimela ka mukwa wa lisheha, ka mutoloki. Se nili, “Tubula likatulo la hao.” A li zwise likunupo. Kakuli Ne ni boni pono yani, sene si ka ezahala. A li tubula kwateni. Ha na li tubuzi ni kuzamaya sa taha kuna, mahutu amabeli kaufela inge aiketile fela hande, amabeli kaufela inge azamaya sina amanca. Se nili, “Ubata kuzamaya kuya mwa mulaho ni kwa pata?”

204 Akala kulila cwalo, inza kuta mwa mulaho ni kwa pata, na sa zibi sa kueza. Inge azamaya ona cwalo, ki hali, “O Allah! Allah!”

Se nili, “Jesu! Jesu!”

Oh, oh, oh! “O Yesu! Yesu,” mi. “Yesu! Yesu,” ona cwalo.

Se nili, “Kana kuna ni puzo ifi kaufela, puzo kaufela?”

205 Julius Stadskev, ki ba bakai baba muziba? Muzwale Stadskev utahanga kwa keleke kwanu; fela—fela naile kwa Germany. Ali, “Fa muzuzu fela, Muzwale Branham, fa muzuzu fela.” Kuli atise muswanisi kapili. “Kana Ni mu swanise nji?”

Se nili, “Eza cwalo.”

206 “Taha kwanu *fa*, yemisa lihutu la hao *fa*.” Ayema sina cwalo, a swanisa mushimani yani fani, ni mahutu amabeli inge aiketile fela hande mwa na lukela kubela. Fani inge kuyemi likatulo la hae ni mulamu, ona *cwalo*, ona *cwalo*.

207 Se nili, “Ki ba bakai ba mina ba Mohammedan baba hana Mohammed kuba mupolofita, mi mulumela Jesu kuli ki Mwana Mulimu, ni ku Mu amuhela kuba Mupulusi wa mina?” Mazoho a teni sauzande a nanuhela mwahalimu. Haleluya! Haba lati si . . .

208 Ba lika ku li pata, kakuli luna lu “bapikuluhu babakenile,” kona mo ba lubizeza, mwa bona. Ka kuswana fela, Mulimu wa zamaya. U sweli kutomahanya Keleke ya Hae. U sweli kueza ze ipitezi, hahulu kufitelela kaufela ze lukona kueza kamba kunahana. Yena ki Mulimu busihu bo sina mwa Na belanga kamita.

209 Kacwalo, balikani ba banyinyani, mutuhele ni mi bulelele sesiñwi ona fa cwale. Sicaba saka sesinde, mina ba naha ye, ni babañwi mwa tepu kafoo baba kaba kwabuse bwa mawate ni ko

muinzi kaufela, musike mwa saba. Lika kaufela li iketile. Ndate, Mulimu, kusikaba kale mutomo wa lifasi, na zibile lika kaufela ze ne ka ezahala. Lika kaufela libeleka fela hande. Mwa Mu lata? Mubeye pilu ya mina hande.

²¹⁰ Mi, muhupule, moya o lubuyela wo hauzwa mwa bupilo bo, ku mina batu babahulu kamba batu babanyinyani, ni mina bahame, ha mu bona limbututu za mina zenyinyani, mbututu wa musizana yomunyinyani yani yana shwile inge ana ni mazazi a ketalizoho ka amalalu, ukaba musizana yomunde yomunyinyani ha u ka mubona. Yena Kuku wa musali wa kale ya obami yami, na palelwa kubona kwa na ya; ha ne mu mubona, neli kuku wa musali, ukaba mutangana yomunde hande, mwanana mwendi wa lilimo ze mashumi amabeli a kupepwa, ya tiile fela mwa bunca bwa hae. Mi ukaba cwalo kuya kuile. Mwakona kuswala lizoho la hae, mwakona kuswalana mwa mazoho ni yena. Mu ka mu kambeka mazoho, kono haana kuba “lizwabande,” u ka ba “muzwale.” Oh, mawi! U ka ba hahulu yomutuna kufita “lizwabande.” Mu nahana kuli ne mu mulata? Luli ne mu mulata. Kono lani neli la *phileo*; mulibelele kufitela muba ni la *agapao*. Mulibelele lilato la Bumulimu la niti lani mo li swalela, mi kipeto lubona seo sili sona. Se kwanu siswana fela ni sibaka se si tuka mulilo, ha ki hande, hakuna sika ku zona. Sika fela se Ni mi eleza kuli mueze cwale, ki ye, mawi—mawi—mawi balikani baka . . .

²¹¹ Kasamulaho nyana fo Nika . . . Kana mwa tabela kuli ni nge likauhanyo zepeli hape ka linako zetatama? Mulena . . . Ni—Ni lukela kupumula fa nako nyana ni si ka ya kale mwa Chautauqua. Cwale, Hani koni kukutaza lika ze mwa mukopano yani. Kuna ni zeñata- . . . hape litumelo zeñata zeshutana. Mwa bona? Ye ki keleke fela inosi. Mwabona? Ha nikoni . . . Nina ni tukelo ya ku kutaza kwanu kaufela se Ni bata kueza. Ye kona tabernakele yaka, mwabona, mi Na mi bulelela. Cwale, Ni lumela kuli batu bani ba pilisizwe. Eeni, sha, Na lumela cwalo luli. Kono, oh, kana ki musipili okuma kai o mu lukela ku zamaya haiba muziba fo mu zamaela. Ki butuna cwani, mwa ziba, ka kuziba fela se mueza, mwa bona, kufita kutantalika, kusitatala mwa kuzamaya. Ha lu yemeñi fela mwa Liseli, ni ku zamaya mwa Liseli ni kuziba kuli ki nzila ifi ye mu liba ka yona. Yeo ki niti. Mulena abe ni mina.

²¹² Mi haiba mañi ni mañi wa mina mo cwale ha si ka tomahanyiwa hande! Hakulata hamukoni kuba sika sesiñwi kwanda kuba mufumahali wa mwa lapa. Kihande, mu li, “Muzwale Branham, Nali kuba nieze sina mwa bupilo bwaka. Ha ni mukutazi.” Kihande, mwendi Mulimu u mi tisize kwanu kuli mu ute fela bana, kuzwa mwa lubasi lwa bana bao kukona kutaha lubasi loluñwi lwa bana yakaba mukutazi yaka luma mioya ye likana milioni ku Krete. Nemuna ni kuba mo. Muteni mi ka mulelo. Kana mwa ziba cwalo?

213 Kihande, mu li, “Kaufela ze Ni kile naeza, neli, felezi mwa misunya ya kale ye. Mi Ne ni ka funduka, ka kuitahanela manzibwana, ne ni sa zibi mwa kubatela banake mwa kuipiliseza. Ne ni talimezi banana ba banyinyani baba botanile bani inge basina makatulo kwa mahutu. Ni inzi ni kulila. Nenina ni sikocikala saka sa kale, mi na ni Maw lwaya kwa keleke.” U sike wa bilaela, muzwale. Mu zwelepili fela ku Mu lata, Una ni mulelo ka mina. Mu pile fela ka mo muinezi, muzwelepili fela kuya ona cwalo. Mwabona? Hakulata ha mukoni nihaiba ku kutaza kutazo, kono wakona kuba kuku yo mutuna wa alimuñwi ya ka eza cwalo.

214 Kana mwa ziba kuli Mulimu na lumelelize (halu boneni cwale, neli mañi libizo la hae?) Levi, kulifa sa bulishumi ha na sa li mwa liteka za Abrahama, fani Melekisedeke ha mu katana. Ki ba bakai ba baziba cwalo? Mi halu boneñi. Abrahama apepa Isaka, Isaka apepa Jakobo, Jakobo apepa Levi; yanali yena ndatahe, kuku-wa hae, yomutuna-kuku wa muuna; ha na sa li mwa liteka, mwa peu ya kuku-wa hae yomutuna wa muuna, Bibebe ibulezi kuli ki yena yana lifile sa bulishumi ku Melekisedeke. Mawi, mawi, mawi, mawi! Muzwale! Oh! Na . . .

215 Kuna ni—ni batu ba banyinyani ba ma English bene ba fetuhezi ku mulena mwa England, naize kuli, “Ni tabile hahulu! Ni tabile hahulu!”

216 Eeni, ki tabo hahulu fa kuziba kuli yeo ki niti! Mi ka zazi leliñwi le linde, Hani zibi kuli lizazi lani ikaba lifi, kono haiba yani neli pono, Hani buleli kuli Ne ni li fa. Muhupule, kamita mubeye zeo mwa minahano ya mina, mi ni bona baba buluka matepu baeze ze swana. Kamba Ne ni li mwa pono, kamba ne ni shimbilwe mwa Moya, Ha ni zibi. Kono neli fela ya niti sina ha Ni swala Muzwale waka Neville ona *cwana*, neli fela ka niti luli. Mi ne Ni talimela ni kuambola kwa batu bani. Mi teñi kwani ne ku yemi musala ka wa pili, na si ka huwa kuli “muuna ka,” na bulezi kuli, “muzwale wa ka yomunde.”

Neku yemi musizana yene Ni zamayanga ni yena lilimo za kwa mulaho.

217 Hakulata sicaba sesiñwi bbahabo yena bateni mo, Alice Lewis yazwa kwa Utica, yomunde luli, musizana wa silena wa Mukreste. Na ti lo nyalwa kasamulaho nyana mwa bupilo, mi nabile ni mbututu wa pili mi ashwa ha puluha mwana. Alice Lewis, Na kena mwa ndu ya maswabi ku yo mubona. Ne ni keni fela mwandu, Na utwa kuli na shwile. Ne ni ile kwani, nekusina mutu mwa muzuzu wani, Se nili, “Kana kuna ni musali mo, Musala bo. . . .” Libizo la hae neli Emmerke. Mi na nyezwi ku mushimani yomunde wa Mukreste, mi nali musizana yomunde wa Mukreste. Ni bile ni musizana yani kai ni kai, libaka za mifuta kaufela ni lika kaufela. Mi neluli banana fela, eitini, naintini lilimo zeo za kupepwa, kai ni kai, Mukreste yomunde,

nekusina se ne ni ziba ka yena kwanda Bukreste bwa niti. Mi Ne nili muezalibi. Kono Ne ni zamaya ni yena. Na kena mwa . . . Mi muuna hae neli Mukreste ya pepilwe sinca, muuna wa luli. Mi Ne ni sa zibi; Na ziba kuli na shwile, Ne ni boni mwa pampili. Mi Na ya teñi na ni bulelela. Na ya kwani ku bo Coots mi se Nili, “Kana una ni ya bizwa Musala bo Emmerke?”

Ki hali, “Billy, uteni mwa muzuzu mwani.”

²¹⁸ Na ya kwani mi nayema bukaufi ni likwati. Na hupula kuli, “Alice, Ni bile mwa mishitu ye nsu luli, Ni zamaile mwa linzila ze nsu. Wena ni Na lu zamaile hamoho mwahala linzila ni kusila linuka, hane babanga ni mikolo ya kale ya kubapala ka yona, nelu inanga fani ni kuteeleza lipina zani ha li lila. Kupahama ni kushetumuka mwa tunzila, ki kalibe ya cwani yonoli yena! Mo Ni itumelela ku Mulimu kwa bupilo bwa hao. Pumula, kezela ka yomunde, pumula mwa kozo ya Mulimu.”

²¹⁹ Mi busihu bobuñwi mwa pono, ki yani ataha inga ni matela. Mi ali, “Muzwale waka ya fuyozwi,” mi ani kumbatela. Oh, oh, muzwale ni kezeli, i ni cincize. Hani koni kuba ya swana ni kamuta. Ki ya niti luli! Fela ki—fela ki ya niti luli sina ha Ni mi talimela, ki niti luli. Kacwalo, hakuna sabo. Na kona kushwa busihu busika fela kale.

²²⁰ Ni bata kuhulisa mushimani waka kwa mulaho kwani, Joseph. Ni bata ku mu bona fa katala, ha Ni kona kunga Bibehe ye . . . ha Ni fita fa sibaka Ni bona Joseph fa katala inge a kutaza sina mu—sina mucaha yomunyinyani yateni Moya o Kenile, ya tozizwe ka Moya wa Mulimu fahalimwa hae. Mi Ni lumela kuli ukaba mupolofita. Lizazi ha Ni—ha Ni—ha Ni mubona lilimo ze silezi asika pepwa kale, mwa hupula hani mi bulelela kuli uka taha. Mwahupula mo ne Ni mu bizeza, ona kwani kwatuko ni katala, kusina kuziba sene Ni bulelela, inge ni neela limbututo, Se nili, “Joseph, wena u mupolofita.”

²²¹ Mi zazi leliñwi hane ni yemi mwa patelo, ataha kuna, mi ki hali, “Tate, kana Jesu una ni lizoho inge la mina?”

Mi se Nili, “Kihande, eehe, mwanake. Kiñi?”

²²² Ki hali, “Ne ni inzi fa njinga yaka, inge ni libelela Sarah” (yani ki munyana hae kezela hae) “kuli atahe kwandu kuzwa kwa sikolo.” Inge ainzi fande fani. Ne ni sa mu lumelezi kuzwela fande mwa mukwakwa, nainzi kwa mulaho sina *cwana*. Mi ali, “Na talima mwa halimu, mi,” ali, “ha Ni eza cwalo, nekuna ni lizoho inge la mina, ni sapalo sa kwa lizoho se si sweu inge si lepelela kuna.” Mi ali, “Se liya mwa halimu.” Ali, “Kana lani neli lizoho la Jesu lene liya mwa halimu?” Na talimela bomahe, bomahe ba ni talimela. Se luya ku Musala bo Wood. Kamba uinezi kai kaufela, uteni mo. Lwa yo mubuzaka lipuzo kaufela, kukuta kutela, ni mo ne lu konela kaufela. Ne li pono. Na iboni. Ha Ni kona kubona nako ya Joseph yomunyinyani yana yemi . . .

Ni sepa kuli kupila mane Ni mu bone ha nyala, haiba Jesu a liyeha kutaha.

²²³ Mi Na ni muuna muhulu, mahaha a limbi asweli kulepelela mwa mulala waka mo. Ni lumile. . . Nibata kuluma mioya yekuma fa tuu milioni kamba sili milioni ku Kreste haiba Ni kona. Ki buikatazo bwaka kukutaza Evangeli kwa makozwana kaufela a lifasi. Eeni, sha. Kacwalo, ni tuse, Mulimu, Ni ka eza cwalo. Kacwalo, ha Ni kona kubona nako yani haitaha, Muzwale Mike.

²²⁴ Nakona kutalima fa nako Mama, Meda, Na mu biza, mulatiwa waka, mwabona, ki. . . luya lu supala, mwabona milili ya hae haifetuha limbi, ni ku lubona ha lunze luya, lwa ikela.

²²⁵ Rebekah, Ni itumela hahulu ka Rebekah. Muluti wa hae wa lipina na ni bulelezi busihu bobuñwi, kuli, “Mawi, haiba a zwelapili cwalo, Muzwale Branham,” ali, “ha ku konahali kubulela za ka eza.” Mwabona, kuzwelapili mwa lipina. Ni mubata kuli, mi Ni bata. . . Ni bata Sarah abe fa siñwañwa, Becky abe fa piano, Ni bata Joseph abe fa katala.

²²⁶ Ha Ni kona kubona seo ha si ezahala, mi na ni Mama lukone kutantalika kukena mwahali, na ni mulamu waka, busihu bobuñwi, inge ni zamaya mwa mukwakwa, mi ha Ni talimela fani ni bona mushimani waka inge ayemi fani ali ya tozizwe ka Moya o Kenile, inza kutaza ona Evangeli yeswana ye. Nibata kunga Buka ya kale ye, ni kubulela kuli, “Mwana ke, ki Ye inga, Ki ya hao. U yeme ni Yona, usike wa keshebisfa fa Linzwi li liliñwi. U pile hande ni Yona, mulatiwa. Usike shangwe, usike waba, Hanina taba kamba ki mañi ya kulwanisa, ki mañi ya lwanisa, Mulimu ukaba ni wena. U kutaza Linzwi kaufela ona cwalo ka mo Li ñolezwi mwahali Mwani, mi Bondate ba ka ku katana mwabuse bwa nuka.” Ni ka tabela ku yo fita kwani ni mu hata hatise mwa mazoho aka, musala ka, ni kusila Jordan.

²²⁷ Kufitela nako yeo, Mulimu, tuhela ni ine mwa simu, ya likute! Tuhela nibe cwalo! Hanina taba kamba tifo ikuma kai, kamba ki ba bakai, se Ni eza, kamba se, *sani* kamba *sesiñwi*. Tuhela kuli ni pile ya likute mi wa niti kwa Linzwi la Mulimu ya pila, kuli lizazi lani ha li ka taha mi Ni silela mwabuse mwani, mi Nikona kutalima mwabuse ni kubulela kuli, “Ki fo he cwale. Oh, mulikana na yomunde, muzwale waka yomunde, kezeli ka yomunde.”

²²⁸ Mukutazi yomunyinyani, kena mwa simu, inelela mwa coko. Mina bakutazi ba banyinyani kaufela ni lika zeñwi, musike mwa itulela. Musike mwaina fela ni kupalelwa kueza sika. Muzwele kwande mu yo wina moyo. Mueze sika! Ha muye, mukale ku zamaya. Musike mwa yema, mukutazi yomunyinyani kwabuse koo. Mulimu afuyole pilu ya hao.

²²⁹ Si ni hupulisa he ne Ni sa kuma fa lilimo zeo, Na sepa, mi mwendi nenili mwanana nyana kufita yena. Nenina ni fela

myaha ye mashumi amabeli ni yeñwi fahalimu cwalo hane Ni tomile licwe lani mwa lilulu. Na hupula Ne ni tinanga koti ya bundilu ni bulukwe bo buswe, mi na yema fani ni kutoma licwe mwa lilulu mwani mwendi seli mwaha ye mashumi amalalu ni ulimuñwi kwa mulaho. Mwabona fo ne Ni kuma, Ne nili fela mushimani. Inge ni yemi fela fani, hane ni toma licwe lani mwa lilulu. Ha ni si ka keshebisa nihaiba fa Linzwi lililiñwi. Ni Li bulukile fela ona cwalo sina mo ne Ni beezi licwe la mwa lilulu lani. Kwabuse kuba ni bupaki bwaka buteni mwabuse kwani, hane Ni iñozi fa likepe la kwa mulaho wa Bibebe, ni ku ipazula ni kuibeya mwa licwe la lilulu lani, mi ni nako ye lisali mwateni. Mi ha li ñolwe ni mwa makepe a Linzwi la Mulimu la Kuyakuile mwa Lihalimu. Ni kone kuyena ka niti kuisa mafelelezo.

Halu inamiseni litoho za luna cwale fa muzuzu fela kwa tapelo.

²³⁰ Mwa kukwala kwa busihu bo, kukwala kwa ze, kauhanho iliñwi, ye si ka lukiswa. Mu lukela kuba ni sesiñwi, ni ka mwa zwelapili ku yo toma keleke mwa sibaka sa yona. Ni ka mi fitiseza yona nako yeñwi, Mulimu ha lata. Ni lukela kupumula nyana cwale Ni si ka ya kale kwa Chautauqua kwani, kwa mukopano omuñwi omutuna, mi kipeto Ni ka silela mwabuse kuliba Oklahoma, kuzwa kwani nita kwa Klamath Falls, mi kuzwa kwa Klamath Falls niya kwa California, kukamba kwa Yakima, Hanina kukuta konji isaho ka Muyana la 15.

²³¹ Kono amutalime, mutuhele ni mi buze nto yeñwi, haiba sesiñwi si ezahala ku mina kamba ku Na nako yani isika taha kale, haiba Ni sila nuka kuya mwa buse kwa naha yani, kamba haiba musila nako yeo isika fita kale kuya mwa naha yani, kamba mwa ikutwa sepo yakuli luka kopana mwa naha yani? Haiba mwa utwa cwalo, amu nanule mazoho amina, muli, “Na utwa sepo yeo mwa pilu yaka.” Mulimu afuyole pilu za mina. Mulimu ami fuyole. Haiba kuna ni alimuñwi mwahala mo ya sa utwi sepo ye kuli ukaba kwani, mi utabela kubulela kuli, “U ni hupule, Muzwale Branham, kuli Ni be ni sepo yeo,” nanula lizoho la hao, “Ni bata kuyoba kwani, nina.” Mulimu aku fuyole, kalibe. Mulimu aku fuyole.

²³² Ndata luna yakwa Lihalimu, lu tisa ku Wena kopano ye busihu bo, lizoho kaufela, kuya ka mo Ni zibela, linanuhile. Kaufela bona ki mutu alimuñwi, moyo omunde omuñwi oinzi kwa mulaho kwani, ya bilaela fela kamba uka silela mwa naha ya mwa buse yani, ko kuna ni lilato la niti la bumulimu mwa pilu ya hae, mwa pilu ya musali yomunde yani, kuli uka taha mwa naha yani haiba na ka shwa busihu bo: kana ikona kuhoha moyo wa hae o katezi kukena mwa Naha ya Sepiso ya Mulimu nji?

²³³ Ndate mwa lihalimu, sina ha Ni yemi fa katala fa ni kukutaza, ni ku fufulelwa, ni kulila, ni ku kupa, ni ku kombelela, na Ku kupa nako ye hape, Mulena, ni kupele kwateni kezela ka

kwa mulaho kwani; Mulimu, beya mwa pilu ya hae busihu bo: lona lilato la bumulimu lani, ona Moya o Kenile wa Mulimu wani, ili kozo yefitelela kutwisiso kaufela, kuli a amuhele Moya wa Hao, a swaiwe ka Moya o Kenile kufita lizazi lani. Ni bata ku yo mubona, Mulena, ha lu ka sila mutano. Haiba ki—haiba ki ya—haiba ki lithonolo la ka ku yo sila, haiba sani so No ni bonisize ki sa niti, mi Ni silela kwabuse kwani, Nibata ku yo mu katana kwani, ni ku mubona ni yo mu swala kwa lizoho, ni kubulela kuli, “Muzwale waka yomunde, neli busihu bwani kuli Sesiñwi sa ni bulelela kunanula lizoho la ka, ha no felize kukutaza za buka ya Maefese. Ne ni nanuzi lizoho laka, mi sesiñwi sa ezahala kuna kasamulaho wa fani. Kina yo fa. Ni mwanana cwale kuyakuile.” Mulimu lumeleza sani ku yomunde waka.

²³⁴ Bani baba nanuzi mazoho a bona kuli swailwe ka Moya o Kenile, Moya wa Mulimu u fahalimwa bona, mi ba amuhezi Moya o Kenile, ba swailwe ka lilato lelinde lani la bumulimu mwa lipilu zabona. Mo lu itumelela ku Wena ka bona.

²³⁵ Lwa lemuha, Ndate, kuli mwahala lifasi matepu a kona kwa ya. Ma maikulofoni amañata atamilwe kwa katale ye, ili kutalusa kuli matepu asweli kupangiwa, ku kutela kwanu, ki Linzwi le likaya kwa libaka ze shutana mwahala lifasi, mwahala lifasi, linaha ze mashumi amabeli kamba mashumi amalalu zeshutana. Na lapelela mutu kaufela ya teezeza kwa tepu ye, yasina sepo yani ya Bupilo Bobusafeli, ba basina kolobezo ya Moya o Kenile, ha U tahe mwa lipilu za bona hamunati. Lumeleza cwalo, Mulena.

²³⁶ Mi cwale Ni be, haiba Ni sa ba boni mwa bupilo bo, ha Ni ka silela mwa naha yani, ha ba mate ni ku ni ni swala (mi ni Na ni ba swale, mi bona, ba huwe kuli, “Muzwale yomunde!” ku yomuñwi ni yomuñwi), bali, “Ne ni utwile tepu ka sa Efese, ka mwa na lu lelezi Mulimu kutaha kwa Bupilo Bobusafeli, mi neli fa tepu yani kuli ha Ni amuhela Linzwi la Mulimu mi na swaiwa ka Moya o Kenile mwa Mubuso wa Mulimu.” Lumeleza cwalo, Ndate.

²³⁷ Folisa kaufela ya kula ni ya zielehile. I kungele kanya ya Hao kakuli lu beya lika ze kaufela ku Wena ni kuikataza kaufela ka Libizo la Jesu, Mwana Hao. Amen.

²³⁸ Kana kuna ni yomukana mo ya kula mi ubata kubeiwa mazoho kuli alapelelwe? Kikuli muka nanula mazoho a mina? Ku lukile. Ha mu zamaye ka kukuza, cwale, kutaha kwa katale kwanu, mi muyeme fa muzuzu nyana, ni Muzwale Neville atahe ni ba hae. . .

²³⁹ Oh, se sibonahala inge, ku lapelela bakuli, fela—fela si bonahala inge kutaha fafasi inge hauziba fo yemi, luli. Mulimu wa ziba ka zona kaufela.

²⁴⁰ Ha Ni utwa pina yeo. . . Muhupule, haiba mukaba mupila hase Ni ile, mu ni lizeze pina ye: *Lumela Fela*. Muhupule, Ha ni si

ka shwa, Hanina kuba kwahule hahulu kuli ni iteeleze. Hani koni kushwa; Jesu na ni file Bupilo Bobusafeli; uka ni zusa ka lizazi la mafelelezo; Ni ka yo mi bona. Mi haiba muya, Ni ka lumela lika zeswana ka mina. Ni lumela kuli luka yo bonana hape.

²⁴¹ Mutalimele, kezeli yomunde yo ya yemi fa ni milili ya limbi. Wena u Mukreste? Ya tezi Moya wa Hae, ya libelezi kuli A tahe, u yemi fela fa unzo libelela mukolo kuli utahe. Amen. Oh, kezeli. . .



KUAÑULIWA 4 LOZ60-0522E

(Adoption 4)

MUKOLOKO WAZA KUAÑULIWA

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Kandao 22, 1960, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitususiso sa ku hasanya Evangeli ya Jesu Krete. Buka ye hailekiswi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itususwa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org